



Presidente SIMAR: E deseo ta mas profundo mirando cu tin 35 aña ta warda pa restructuracion salarial husto



Pagina 4

- **Relato anual
Ministerio Publico:
Aña 2024 tabata
uno di transicion,
colaboracion y
reforma** Pagina 3

- **Crecemento den
turismo di Aruba
ta sigui solido
a comparacion
cu crecimiento
den industria
di turismo di
Corsou** Pagina 2

- **Na comienso di
otro aña presidente
di Colegionan
di supervision
financiero lo retira**


Pagina 4

PVV ta pidi independencia completo pa Aruba, Corsou y Sint Maarten



Pagina 8

Gobierno Mericano a shut down. Kico awo?



Pagina 23

Trump ta bisa EU ta den 'conflicto arma' cu cartelnan di droga despues di ordena atakenan den Caribe



Pagina 10

TUI
**TUI TICKET
SALE**



for di **599€** p.p

Bishita nos TUI shop of bishita nos website TUI.aw
Ida i buelta pa Amsterdam

Crecemento den turismo di Aruba ta sigui solido a comparacion cu crecemento den industria di turismo di Corsou

Aruba su industria di turismo ta regarda como un di esnan mas fuerte y solido cu tin den e region, y esaki ta sigui e caso a pesar cu e demas islanan, den e caso aki Corsou, ta mirando crecemento fuerte y significativo den su propio industria di turismo, cu proyeccion positivo den bista.

E siman aki a cuminsa circula e noticia cu e turismo di Corsou tabata mas fuerte cu Aruba y resto di e region, sinembargo e cifranan ta muestra cu si tuma e resultadonan mas reciente di ambos Aruba y Corsou, turismo te ainda ta mirando bon resultado na Aruba, cual ta sostene su posicion como un di e industria di turismo mas fuerte den e region.

Corsou a yega e logro di supera 1.1 miyon bishitante durante e prome 8 luna di aña 2025, esaki segun e reportahe di turismo publica pa augustus for di Curaçao Hotel and Tourism Association (CHATA).

E crecemento aki tabata impulsa mas tanto a causa di un aumento den e bishitantenan di crucero y dia. Solamente den augustus, aparentemente e yegadanan a aumenta cu mas di 23 porciento na net un poco mas cu 115.000 bishitante, cu turismo di crucero responsable pa e aumento mas drastico, cu casi 51.000 pasahero. Esaki a marca un aumento di 59% compara cu augustus di 2024. Turismo 'stayover' tambe a mira un aumento aunke esaki tabata solamente di 4% na mas di 60.000 yegada.

Di otro banda, a pesar di un disminucion chikito den e tasa di ocupacion durante augustus, hotelnan a genera mas entrada cu e tasa di camber diario averahe aumentando cu casi 11% na 254 dollar, mientras cu e entrada pa camber disponible a aumenta cu casi 8% na 184 dollar.

Pa loke ta trata e periodo di januari pa augustus, Corsou su ocupacion na hotel tabatin un averahe di mas di 76%, un mehoracion cla compara cu e mesun periodo aña pasa unda a mira 72.5%. Juni ta unda tabatin e crecemento mas fuerte, cu ocupacion creciendo for di 64.5 porciento na 70 porciento. Juli a keda stabiel,



mientras cu augustus tabatin un disminucion chikito.

For di januari te cu augustus, Corsou a ricibi un total di 527.412 turista 'stayover' - cual a marca un aumento di 13.7%. E asina yama 'Day visitors' a bira casi dobel, cu un aumento di 92.9% na 31.028. Yegadanan di crucero pa e mesun periodo aki a registra un disminucion chikito di 0.5%, yegando un total di 559.641 pasahero.

CHATA a describi e resultadonan aki como un señal di resiliencia y popularidad creciente di Corsou como un destino, mirando cu e organisacion ta anticipa cu lo cera 2025 como un aña cu a kibra record pa e isla su industria di turismo. Esaki ta pone na mesa un comparacion cu Aruba, cual ta ampliamente regarda como un di e destinonan mas popular y conoci pa turismo, y ta trece dilanti e pregunta di con Aruba ta para den comparacion cu Corsou.

Pa por yega na un comparacion lo mas igual y husto posibel, nos tin cu mira e cifranan di Aruba pa e mesun lunanan aki.

Cuminsando cu augustus, den caso di Aruba e luna aki a mira un total di 132.728 yegada. Solamente mirando e yegadanan den e luna aki, nos por mira caba un diferencia entre e dos islanan. Tambe a remarca cu den e luna aki pa prome biaha Argentina a consolida su mes como e mercado number 1 di Latino America pa Aruba y esaki a trece un crecemento di 126.5% te cu augustus di e aña aki.

Den e mesun categoria di 'stayover', manera menciona Aruba a ricibi un total di 132.728 turista 'stayover', cual a representa un crecemento di 5.3% compara cu augustus di 2024, traduci na un aumento absoluto di 6,670 bishitante, cu e aumento mas notable di Latino America. Den e mesun categoria aki,

Corsou a mira un aumento di 4% cu mas di 60.000 yegada den augustus, esaki ta duna e bista cu te ainda Aruba su crecemento turistico, por lo menos den e categoria aki, ta sigui riba un bon caminda.

Pa loke ta turismo di crucero, tambe por compara cu na Aruba nos a mira 605.183 turista, mientras cu Corsou, contando cu un aumento, a mira 51.000 pasahero. Aki tambe por mira cu Aruba ta conta cu mas yegada ora di tira un bista na e industria di turismo crucero na e otro islanan.

Si tuma un momento pa analisa e demas lunanan anteriormente e aña aki, for di januari Aruba su turismo a cuminsa cu resultadonan sumamente positivo, registrando cu ya den januari di 2025 a mira un resultado positivo adicional den 'stayover' di 4.7%, a comparacion cu januari di 2024. Den januari di 2025, a ricibi un total di 124.787 turista 'stayover',


cual ta e crecemento menciona unda a ricibi 119.194 huesped stayover den 2024.

E mesun aki por ser bisa pa e luna di februari, unda a mira atrobe un resultado positivo adicional di 4.7% compara cu februari di 2024. Sinembargo den e luna aki Aruba a ricibi un total di 115.560 huesped 'stayover', cual compara cu februari di 2024 unda a ricibi 122.149 huesped 'stayover', ta un disminucion di 5.4%.

Si tuma esaki na cuenta, aunke e industria di turismo di Corsou ta mirando un crecemento y tin bon pronostico su dilanti, e industria di turismo na Aruba ta keda robusto, stabiel y den bon caminda, manteniendo su posicion como un di e islanan stima y preferi ora di tuma vakantie na nivel regional y mas aleu.

Un aspecto cu ta notando, ta cu aunke turismo ta sigui crece den varios area, e impacto aki no ta resona ni mira den tur banda di manera igual. Anteriormente caba nos a yega di papia tocante e impacto cu vacation rentals tin riba varios diferente aspecto di turismo, y esaki ta keda un preocupacion. Den edicion recien di Bon Dia Aruba a publica tambe e declaracionnan tocante e grado di ocupacion na hotelnan cu ta den disminucion a pesar cu nos ta mirando aumento y bon resultado mensual den nos industria di turismo.

Aunke te ainda nos turismo ta fuerte y robusto, tin preocupacionnan cu mester atende cune urgente pa mantene e posicion fuerte y solido cu nos ta conta cune.



Relato anual Ministerio Publico:

Aña 2024 tabata uno di transicion, colaboracion y reforma

Recientemente Ministerio Publico (OM) a publica su relato anual di aña 2024. Den esaki tin un bista cla di e esfuerso, logro y escogencianan strategico cu a forma e rumbo di OM.



mente.

Aña 2024 a marca un fase crucial den desaroyo di Ministerio Publico Aruba (OM). Den e di dos aña di implementacion di e vision "Pa 2027," e organisacion a enfrenta e reto di haya e balansa entre fortalece su organisacion interno y atende cu criminalidad, fraude y actividadnan di minamento di forma efectivo.

E relato anual ta enfatisa cu profesionalisacion ta central pa desaroyo organisatorio. Inversionnan den training, comparti conocimiento y desaroyo profesional ta forma e nucleo di e strategia. E meta di Ministerio Publico ta un sistema di husticia penal orienta na futuro, profesional y creibel cu por wanta e complejidad creciente di criminalidad.

E implementacion di e Codigo di Procedura Penal nobo na april 2024 a presenta tanto oportunidad como retonan. E codigo nobo a nifica un reforma radical di ley di procedimiento penal y a encarga Ministerio Publico cu recalibra procesonan, metodonan di trabou, y colaboracion cu partnernan den e cadena. Esaki tabata rekeri un proceso di aprendisaje intensivo y flexibilidad den practica diario.

Un di e prioridadnan clave pa 2024 tabata atende cu minamento, stipula den e Plan di Accion riba Minamento. E enfoka aki ta basa riba un partnership amplio, den cual, ademas di Ministerio Publico, Cuerpo Policial Aruba (KPA), Aruba Financial Intelligence Unit (FIU), Aruba Integrity Bureau (BIA), y diferente instancia gubernamental ta participa.

E plan ta enfoca riba combatimento di crimen organisa, cu enfasis riba traficacion di droga y hende, labamento di placa y fraude. E ciclo di planificacion, implementacion y evaluacion a garantisa monitoreo continuo di efectividad. Colaboracion ta un aspceto calve pasobra sin e esfuersonan conhunto di partnernan hudicial y administrativo, combatimento di minamento no por ser alcanza sostenible-

Un componente esencial di e strategia di 2024 tabata e acercamento administrativo pa combati minamento. Intercambio di informacion entre instancianan gubernamental, reguladornan y e comunidad empresarial tabata central den e acercamento aki. E parti Caribense di Reino tambe tabata involvi den e acercamento aki, loke a conduci na consultanan conhunto, entre otro riba e rutan di contrabanda entre Aruba, Corsou, y Boneiro.

Un ehempel concreto di cooperacion regional ta e sosten cu Aruba a ofrece na St. Eustatius, unda asuntanan di integridad y prevencion di criminalidad tabata rekeri experticio. Esaki a confirma e rol di Aruba como partner proactivo dentro di Reino Caribense.

Banda di programanan substancial, Ministerio Publica a inverti hopi den operacionnan interno. Un proyecto notabel tabata e transicion di e sistema RUBI pa PRIEM. E modernisacion aki tabata destina pa conduci na mas eficiencia y transparencia. Sinembargo, a surgi obstaculonan, manera cu e programa Paga Bo Boet (PBB), cu a resulta di ta solamente parcialmente operacional pa motibo di asuntanan tecnico y funcional.

P'esey e necesidad pa acelera digitalisacion y automatizacion ta un punto halto riba agenda pa 2027. Ta bisto cu un Servicio di Ministerio Publico efectivo no ta depende solamente di experticio huridico pero tambe di sistemanan di sosten robusto.

Den e relato anual tambe ta ser trata ampliamente e esfuersonan di educacion y formacion di Ministerio Publico. For di charlanan riba traficacion y contrabanda di hende te na presentacionnan riba labamento di placa y criminalidad cibernetico, e tema comun ta cla: comparti conocimiento ta fortalece efectividad colectivo.

Ademas di cursonan substancial, a organisa simposio y tayernan caminda oficialnan di politica, fiscal y abogado donan a reuni. Colaboracion cu partnernan manera Oficina di Prevencion di Criminalidad y expertonan internacional ta enfatisa e ambicion pa keda constantemente na altura.

Un punto clave na 2024 tabata participacion den e Caribbean Financial Action Task Force (CFATF). Aruba a presenta su prome rapport di siguimento desde e evaluacion di 2022, cu a aclaria e pasonan cu e pais a tuma den combatimento di labamento di placa y financiamiento di terrorismo. E evaluacion a tuma luga na Jamaica y a resulta den recomendacionnan cu lo sirbi como guia pa e proximo añanan.

E dimension internacional ta innegabel: Aruba ta ubica den un region geopoliticamente sensitivo y continuamente mester alinea su infraestructura di husticia penal cu normanan mundial. P'esey participacion den CFATF no ta djis un obligacion, pero un escogencia strategico pa construi confiansa cu partnernan internacional y institutonan financiero.

E colaboracion entre e Recherchesamenwerkingsteam (RST), e ofcinanan di Ministerio Publico den Reino, y e Cuerponan Policial local tabata cla y bisto na 2024. Plannan anual y agendanan operacional a garantisa coordinacion structural, enfoca riba asuntanan manera narcotrafico, labamento di placa y traficacion di hende.

E comision conhunto, presidi pa Ministerio Publico di Aruba, a hunga un rol clave den esaki. No solamente a comparti archivonan, pero tambe experticio, aumentando e efectividad. Pa un pais chikito manera Aruba, esaki ta crucial: colaboracion por compensa capacidad limita.

E relato anual ta subraya e rol di tratado y guianan internacional como un fundeshi pa politica di husticia penal. Por ehempel, na december 2024, a organisa na Den Haag un simposio tocante estado di derecho y Statuut. E simposio aki a conta cu debatenan extenso riba e futuro di Reino y e posicion di e paisnan

Caribense den su seno.

Ademas e enfoka tabata riba implementacion di tratadonan dirigi riba combatimento di violencia domestico y traficacion di hende. E Plan di Accion contra violencia domestico, inicia pa Comision Stop Violencia Contra Hende Muhe y Mucha Muhe, a ricibi sosten di Ministerio Publico y ta demostra con por traduci acuerdonan internacional den politica local.

E topico di seguridad riba caminda tambe ta uno cu a ser trata den e relato anual. Mescos cu añanan anterior, esaki ta keda un area den cual mehoracionnan structural ta necesario. Esfuersonan ta enfoca, entre otro, riba cambionan den legislacion di alcohol y colaboracion cu Instituto Forensico di Hulanda, pa awor por haci test di sanger tambe localmente.

Estadistica ta muestra claramente cu infraccionnan den trafico ta representa un porcion significativa di e carga di trabou di Ministerio Publico. Door di inverti den medidanan preventivo y mehoracion di aplicacion, Ministerio Publico tin como meta pa reduci e problema social aki.

Den e prome capitulo di e relato anual 2024 tin tres mensahe clave ta sali. Primeramente fortalece colaboracion, tanto local como internacional. Den esaki Ministerio Publico a logra intensifica


partnershipnan. Sin colaboracion, un acercamento efectivo pa mina criminalidad ta imposibel.

Di dos, modernisacion y profesionalisacion. Relaciona cu esaki inversionnan den digitalisacion, training y comparti conocimiento ta esencial pa keda na altura. Na mesun momento, e desafionan tecnico ta demostra cu esaki ta un proceso a largo plaso.

Y di tres tin ancramento internacional. Aruba su participacion den CFATF y e uso di tratado y guianan ta demostra e boluntad di Aruba pa alinea su mes cu normanan internacional y asina gana e confiansa di partnernan.

Na 2024, Ministerio Publico di Aruba tabata den un fase di transicion cla. Di un banda a tuma pasonan importante pa un sistema mas orienta na futuro y profesional. Di otro banda, obstaculonan a surgi, particularmente den e areanan di digitalisacion y e implementacion practico di sistemanan nobo.

Toch, e hilo comun ta optimista: cu un vision cla pa 2027, colaboracion intensivo, y un enfasis fuerte riba comparti conocimiento, e fundeshi a ser poni pa un sistema di husticia penal robusto y creibel. E Relato Anual 2024 ta muestra cu Aruba no solamente ta responde na criminalidad pero tambe ta pensa dilanti, reforma, y innova.



Presidente SIMAR:

“E deseo di veld ta mucho mas profundo mirando cu tin 35 aña ta wardando riba un restructuracion salarial husto”

Manera ta conoci Minister di Enseñansa, Gerlien Croes, a bin ta reuni cu Sindicato di Maestro di Aruba (SIMAR) y otro sindicatonan pa dialoga riba e restructuracion salarial pa maestronan. Durante e reunionnan aki ambos banda a presenta nan proposicionnan tocante con e restructuracion por tuma luga.

Manera ta conoci e veld di enseñansa ta luchando pa logra un restructuracion salarial pa e maestronan pa algun tempo caba. Desde 1990 no tabatin aumento di salario pa maestro, cual ta un periodo basta largo y awor maestronan kier un fecha pa esaki por bin na vigor.

Den un video publica riba plataforma di SIMAR, presidente di SIMAR, Angelique Quijada a splica cu locual minister Croes a presenta na e sindicato ta cu nan a cuminsa cu e prome fase di e proceso di e restructuracion salarial, cual ta inclui e gelijktrekking (igualacion).

El a splica cu pa varios aña tin un diferencia grandi entre maestronan di kleuter y basis school cu maestronan di voortgezet onderwijs pa loke ta trata salario y igualacion di e salarionan aki ta e prome fase cu lo ser implementa.

El a sigui splica cu e igualacion ta bay tuma luga den tres aña. E prome aumento ta bay

ta na 2026, na 2027 nan lo ricibi e di dos aumento y e ultimo aumento ta na 2028. Tur e maestronan cu ta den schaal 13 ta bay schuif pa schaal 34 y tur e otro maestronan di tur e schaalnan lo ricibi un aumento di 3.49% den nan salario.

Quijada a indica cu e proposicion di minister Croes tambe ta inclui cu grandura di klasnan lo cambia y bira mas chikito. Por ehempel klas di voortgezetonderwijs aworaki tin 28 alumno, lo bira 24 alumno maximo y 16 alumno minimo.

El a indica cu tambe normjaartaak, cual ta e cantidad di ora pa aña cu un maestro ta traha. El a splica cu “teaching time” ta e oranan cu ta duna les y “instruction time” ta contact cu e maestro tin cu e muchanan. Tur oranan di reunion y di profesionalisacion tambe ser hinca den e oranan pa aña.

Fase un ta ser implementa entrante 1 di januari 2026. Pa loke ta fase dos, el a indica cu esaki lo ser implementa na februari 2026. Esaki, el a splica, ta simplificacion di e salarishchaal pa entre cinco pa seis, adaptacion di salario di klas assisistent, maestro y directornan, cual lo bira tambe los di e edad y acopla na beloningsbeleid (e maestro lo por ser compensa monetariamente pa cualkier curso cu ser realisa).

su etica di trabao fuerte. “Mi a disfruta e oportunidad di ocupa posicionnan responsabel na cabes di Reino, pero awor mi mester di mas tempo pa mi bida priva”, Ongering a bisa.

Bou di e liderazgo di Ongering, e Colegionan di Supervision a realisa hopi actividad. Na diferente ocasion, tanto ora a pidi nan y tambe riba iniciativa propio e Colegionan a alerta tocante di riesgonan cu nan ta mira ta surgen den e presupuestonan di e paisnan di parti Caribense di Hulanda, semper respetando e retonan cu e paisnan ta enfrenta.

Ayer presidente di SIMAR a publica otro video den cual el a splica cu diaranson nan a reuni pa di dos biaha cu e Minister di Enseñansa durante cual nan a presenta seis proposicion cu ta basa riba loke nan miembronan a expresa.

Uno; gleiktrekking di enseñansa primario na schaal 35 y 5% di aumento pa no tin discrepancia, y tur maestronan haya 5% di aumento den nan salario brutto.

Dos; pa toelage di lider di scol y director conta pa nan pensioen, gelijktrekking di toelage di lider di scol y director na enseñansa primario y enseñansa secundario.

Tres; pa toelage di docentenan di SPO cu tin masters den Special Needs Education ser hinca den nan salario, y pa toelage di supervisornan interno ser hinca den nan salario, pa e conta pa nan pensioen y no tin problema manera tur aña.

Cuater; pago di maestronan di eerste grad diploma a pesar di e nivel di enseñansa.

Cinco; pa maestronan cu ta bay baha cu pensioen aki tres aña, ricibi gelijktrekking completo desde 1 di januari 2026.

Seis; e aumento entrante 1 di januari 2025. E proposicion aki Quijada a indica a ser bari for di mesa inmediatamente



pasobra segun minister no tin placa y e no tabata presupuesta.

El a remarca cu locual minister a trece dilanti tocante e proposicionnan ta cu nan lo mester bolbe haci calculacion.

El a agrega cu locual minister di enseñansa a lubida di menciona ta cu e persona di DRH cu mester haci e calculacion, ta bayendo cu vakantie y adi-

cionalmente, el a indica cu e preparacion pa tratamento di presupuesto mester ta cla entre fin di oktober y comienso di november locual ta duna sindicatonan poco tempo pa negocia na mesa.

Extra informacion cu Quijada a indica ta cu pensionadonan cu ta trahando pa dia 1 di januari 2026 den articulo 8 lo bin un afrekpost adicional di 10 mil florin.

Na comienso di otro aña presidente di Colegionan di supervision financiero lo retira

Recientemente mediante un comunicado di prensa e Colegio di supervision financiero a anuncia cu e Presidente di e tres Colegionan di supervision financiero (Cft), señora Lidewijde Ongering lo renuncia na su tareanan di supervision entrante prome di februari 2026. Riba e dia ey, su prome plaso di nombramento ta termina.

Na final di e aña aki, Ongering ta cumpli 67 aña di edad, y esaki ta marca e comienso di un fase nobo den su bida. E ex alto funcionario di gobierno y Presidente actual di e Colegionan ta conoci pa

Banda di esaki, e Colegionan a keda pidi atencion pa reformanan necesario, por ehemplo den cuido di salud y e servicionan di impuesto di e paisnan. Otro tema cu Ongering a pone enfasis riba dje durante su periodo como presidente di e Colegionan, ta mehoracion di maneho financiero.

Ainda no ta conoci ken lo bira e sucesor di Ongering. Ministerio di Asuntonan Interior y Relacionnan den Reino lo coordina ken lo asumi e responsabilidad importante aki una bes cu Ongering retira oficialmente.



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion
noticia@bondia.com

Pilar Flores (hefe di redaccion)
Angette Figueroa (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion
Sociedad Interamerica
di Prensa (SIP)


DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Haci tur edificio na Aruba energiezuinig



Nos a skirbi cu inflacion lo ta bay ta un problema grandi den e añanan binidero. Un manera grandi pa yuda den esaki ta pa baha gasto. Awo uso di coriente pa haci un espacio comodo den e calor di Aruba ta un gasto hopi grandi pa ambos nivel individual y pa nivel di nos sociedad.

Den hopi columna nos a papia di aumenta suministro di coriente door di un mobilisacion masivo di instalacion di panel solar na Aruba. Den e columna aki nos lo toca e tema di otro banda, esta pa baha demanda di coriente.

Na Aruba mayoria demanda pa coriente ta un cuestion di tene edificio na un temperatura confortabel via friamento. Den e contexto aki, un par di luna pasa a sali dos articulo academico, esta Jipeng Fei et al. 2025 den Science y Hoy Jung Jo et al. 2025 den ASC Energy Letters. E reportahenan aki ta papia di e verf anti-solar di mas avansa y di uso di smart-windows pa baha consumo di coriente radicalmente.


Usando un modelo di AI (Claude 4.0 Opus), mi a purba calcula si ambos di e tecnologia di mas avansa aki ser ehecuta na mesun momento, cuanto e lo por spaar den uso



di coriente den contexto di Aruba su clima.

Segun mi modelo usando ambos paper, e uso di e dos conceptonan aki na mesun momento lo por baha consumo di coriente pa un cas averahe (200m2) na Aruba entre 45 pa 65%. E inversion den haci esaki pa un cas di 200m2 lo literalmente paga su mes back den 5 luna, esta un ROI di 140% pa aña.

Dus riba un plaso mas largo strategico nos lo por conclui



cu si tin ambos e combinacion di aumenta suministro di energia door di e mobilisacion grandi di instala panel solar full rond di Aruba y e combinacion di tecnica pasivo di friamento elabora den e articulo aki, mi persona a modela cu e LCOE prijs di coriente na Aruba.

Usando un penetracion di 70% panel solar na un LCOE di 6,- US cen per kWh, combina cu un reduccion den uso di coriente danki na friamento pasivo cual lo reduci con-

sumo total di electricidad di Aruba cu mas o menos 22%, tumando si na cuenta tur e inversionnan grandi cu mes-ter tuma luga na Aruba su grid y battery storage, lo resulta den un prijs di coriente 24% mas barata compara cu e prijs di coriente actual.


Riba un plaso mas strategico un abundancia di coriente barata ta na caminda. Ban pensa e ora ki tur nos por haci den e escenario aki di "Energy Abundance."

Bijles 1op1 cu Simon Waslander **Te cu MAVO 4**
Exacte vakken Economie Geschiedenis.
Pa mas info yama na T. 744-8663
of Email: Simonwaslander@gmail.com

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Iberostar na Aruba ta organisa Job Fair cu oportunidad pa wordo contrata riba e mesun dia: Ready, Set & Hired!

Iberostar Hotels & Resorts, cu ta consisti di JOIA Aruba by Iberostar y Tierra del Sol Golf Course by Iberostar, ta anuncia su Job Fair cu lo tuma lugar Diahuebs, 9 di October 2025, for di 10:00 AM te 4:00 PM na JOIA Aruba by Iberostar, na Eagle Beach.

E evento unico aki ta duna applicantenan un oportunidad unico pa wordo contrata riba e mesun dia. Tin hopi posicion disponibel den diferente departamento. Iberostar ta buscando profesionalnan cu pasion y talentoso cu kier desaroya un carera den e industria di hospitalidad.

Departamentonan cu tin posicion nan habri na JOIA Aruba by Iberostar y Tierra del Sol Golf Course by Iberostar ta: Food & Beverage (mesero, hostess, supervisor di restaurant, sommelier, barista); Kitchen (supervisor di pastry, chef di restaurant, cook 1, cook 2, pastry cook, butcher, chef d'partie, steward); Front Office (supervisor di front of the house, agent & runner, concierge); Housekeeping (room attendants, public area attendants, houseperson); Spa (spa therapist) and Tierra del Sol Golf Course by Iberostar: Spa receptionist, all around server, beverage cart attendant.

E Job Fair lo tin tres area principal: **"Ready, Set & Hired"**

E area di "Ready" - lo ta na e entrada den e Foyer na unda cu applicantenan por bishita diferente exhibicion nan, conoce e representante nan di e departamento y haya informacion di e posicion nan habri. Pa esunan cu ta interesa y a trese e documentonan necesario por pasa den nos ballroom - area di "Set" na unda e hefe nan di e departamento di Iberostar lo tene e entrestanan. Pa esunan cu ta cumpli cu tur e puntonan y cu a pasa un entrevista exitoso, ta haya



e oportunidad pa pasa den e area di "Hired" - na unda e team di Recurso Humano lo ricibi nan pa e parti di oferta y acuerdo laboral.

Ta pidi pa e applicantenan bin prepara y profesional, cu:

- Un curriculum actualisa
- Un ID valido (paspoort, rijbewijs of cedula)
- Un permiso di trabou valido (si ta aplica)
- Un Health Card valido (carchi berde) pa puesto den F&B y Cushina
- Dos referencia minimo pa contacto

E compania ta compromete door di stimula talento, crea balor cu generacion di trabou local y pone bienestar di su hende den centro. "Na Iberostar, nos ta kere den contrata aplicante cu tin pasion pa hospitalidad y cu ta orguyoso pa representa e encanto unico di Aruba," segun a bisa Suzette Bareño, Director di Human Resources na Iberostar Aruba. "E Job Fair aki no ta solamente pa haya talento; e ta pa crea oportunidad pa nos comunidad crece hunto cu nos."

Dicon pa Uni cu Iberostar

Cu mas cu 70 aña di experiencia den turismo y un presencia den 13 pais, Iberostar Hotels & Resorts ta un compania global di hospitalidad cu 100 hotel, mas cu 32,000 camber den mundo, y mas cu 35,000 empleado di 95 nacionalidad.

Iberostar ta compromete pa cuida su empleadonan, creando un lugar di trabou inclusivo y enriquece, unda tur hende por sinti parti di un meta comun. E principionan central - Responsabilidad, Transparencia, Humildad, Pasion y Creatividad - ta guia tur accion, pa asegura cu tanto huesped como empleado ta haya e miho experiencia di hospitalidad.

E empleadonan ta haya beneficio for di un cultura fuerte di cuido y bienestar. Iniciativanan di salud y bienestar, actividadnan di team-building, y un lugar di trabou seguro e inclusivo ta asegura cu tur miembro di famia Iberostar por prospera personal y profesionalmente.

A traves di su movimiento Wave of Change, e compania ta guia un modelo sostenibel di turismo. For di protege nos lamanan te na construi destinacionnan resiliente y duna sosten pa comunidad local, Iberostar ta kere cu turismo mester ta un forsa positivo cu ta crea prosperidad sin perde di bista e medio ambiente pa futuro generacion.

Detaye di Evento

Location: JOIA Aruba by Iberostar - Eagle Beach

Date: Diabierna, 9 di October 2025

Ora: 10:00 AM - 4:00 PM

Pa mas informacion tocante e Job Fair, por sigui Iberostar Careers Aruba riba Facebook y Instagram.

Arugas ehecutando trabao rutinario di mantencion



Tur aña, Arugas ta ehecuta trabaonan di mantencion ariba su ekipo pa mantene un operacion sigur y eficiente. E aña aki a yega e turno pa haci mantencion rutinario ariba e tanki di awa.

Seguridad ta prioridad pa Arugas, y pa garantiza cu semper tin awa disponibel durante e trabao, Arugas a acerca Cuerpo di Bombero y CMO pa traha un plan di contingencia. E plan ta enfoca riba mantene disponibilidad di awa na tereno di Arugas pa cualkier eventualidad.

Dia 1 di october, e ekipo di Cuerpo di Bombero conhuntamente cu oficina di CMO a presenta na planta di Arugas pa ehecuta e plan di contingencia. Nan a staciona un truck

y instala slangnan preventivamente. E ekipo di Cuerpo di Bombero lo keda na Arugas durante e periodo cu e tanki ta pafor di servicio pa su mantencion.

Arugas ta agradecido pa e excelente cooperacion cu e profesionalnan di Cuerpo di Bombero y CMO, y ta reconoce e compromiso pa seguridad y servicio continuo.

Durante e trabaonan di mantencion, Arugas ta habri normal pa atende tur cliente cu mester gas, instalacion di gas, y articulonan na benta den e showroom.

Pa Arugas e seguridad di su empleado, cliente y henter comunidad di Aruba ta na prome lugar.

Conseho di Salud Hulandes ta rechasa compostaje humano como opcion pa deramento

(NLtimes)—E Conseho di Salud Hulandes a conseha contra permiti compostaje humano como un alternativa legal pa deramento of cremacion, citando insuficiente evidencia riba su seguridad y sostenibilidad. E conseho a reafirma cu disolucion kimico di curpanan, tambe conoci como resomacion, ta keda un opcion realistico bao evaluacion.



Compostaje humano, of “verdaaren” den Hulandes, ta consisti di pone un curpa congela den un cocoon di compost cu restonan di mata manera taki of yerbe. Despues di un proceso di casi

40 dia, e curpa ta descomponer den tera fertil cu famianan por usa pa planta mata.

E conseho a enfatisa cu e riesgonan y sostenibilidad di compostaje humano no por ser evalua completamente ainda. Proceduranan

standard pa e metodo no ta existi, y reglanan tocante maneho di resto humano ainda mester ser defini pa ley.

Mientras cu compostaje humano ta permiti den algun region den exterior, incluyendo den e estado Mericano

di Washington unda esaki a ser legalisa na 2021, e Conseho di Salud ta bisa cu data científico riba e metodo ta limita ainda. “E proceso di compostaje ta sucede den ambiente rico di oxígeno, permitiendole posible patogénonan pa multiplica y plama den aire,” e conseho a bisa den su conseho pa gabinete. Tambe el a adverti cu substancianan peligroso por ta presente den restonan humano.

Segun AD, e fundacion Veraarden a boga pa inclui compostaje humano den e Acto di Servicio Funeral nobo. Miembronan di directiva y director di funeral Jenneke Haaksma di Zeist, 46, a conta

prensa aña pasa, “el a inspira mi cu bo por laga e mundo aki den un manera natural, por medio di bira parti di e ciclo ecológico, y manera a ser haci pa culturanan indigena.”

Pa compara, e Conseho di Salud ta mantene nan aporte pa disolucion kimico di curpanan humano. Conoci como alkalische hydrolyse of resomacion, e proceso aki ta consisti di pone un curpa den un tanki di awa y potasium hydroxide, cual ta disolve e curpa den casi 2,5 ora. E wesonan y aparatonan medico cu ta keda por ser debilbi na e famia.

Potret di Veraarden.

Merca: FDA ta aproba un otro pildo generico pa aborto, causando critica for di conservativonan

(AP)—Oficialnan federal a aproba un otro version generico di pildo mifepristone pa aborto, un formalidad regulatorio cu a causa critica for di gruponan anti-aborto alinea cu e administracion di Trump.



Fabricante Evita Solutions a anuncia riba su website cu e Food and Drug Administration (FDA) a aproba su pildo barata, cual por ser usa pa termina embarasonan te cu dies siman. Students for Life Action, cual ta oponer aborto, a yama e aprobacion “un mancha riba e presidencia di Trump y un otro señal cu e estado profundo na e FDA mester bay.”

E critica aki ta bin mientras presidente Republicano

Donald Trump su oficialnan di salud, incluyendo secretaria di Salud Robert F. Kennedy Jr., ta enfrente mas presion for di oponentenan di aborto pa reevalua mifepristone, cual a ser aproba 25 aña pasa y a keda proba di ta sigur y efectivo pa científiconan di FDA.

FDA a aproba e version original di mifepristone na 2000 y gradualmente a habri acceso. Esey a inclui e aprobacion di e prome pildo generico, for di fabricante GenBioPro, na 2019. Na 2021, FDA bao presidente Democrático Joe Biden a permiti prescripcion online y entrega via post, cual

a expande acceso na e pildo. Oponentenan di aborto ta bringando e cambio desde e tempo ey.

Aprobacion di medicinan generico ta un proceso automatico na FDA, unda algun version copiadur ta ser aproba despues cu e patente riba e medicina original ta vence. Den mayoria caso, fabricantenan generico mester solamente muestra cu nan medicina ta pas cu ingredientenan y formula desaroya pa e fabricante original.

Tipicamente aprobacion ta pasa dentro di dies luna. Pero documentonan publica riba e website di FDA ta muestra cu Evita Solutions a entrega su aplicacion pa mercadea mifepristone cuatro aña pasa.

Aprobacion di un segundo pildo generico lo probablemente afecta acceso na e pildo, cual tipicamente ta ser tuma cu un otro medicamento, esta misoprostol. E combinacion ta conta pa casi dos tercer di tur aborto na Merca.

Acceso na mifepristone ta limita den gran parti di e pais pa via di leyman estatal cu ta prohibi aborto—incluyendo medicamento pa aborto—of ta impone un restriccion separa riba e uso di e medicina. E leyman ey ta suheto pa un cantidad di demanda andante.

Restriccion riba e pildo no ta ser apoya pa mayoria sociedad medico, incluyendo e American Medical Association.

Hulanda: Tin mas diagnosis di gonorea y syphilis, a pesar di menos consulta tocante STI

(NLTimes)—Menos hende ta bishitando clinicanan cu pregunta tocante un posible infeccion sexualmente transmiti (STI). Sinembargo, e cantidad di infeccion ta creciendo, specialmente pa gonorea y syphilis, segun Rijksinstituut voor Volksgezondheid en Milieu (RIVM).

Den e prome mita di e aña aki, e Centronan di Salud Sexual a mancha un tiki mas cu 73.000 consulta, casi 11% menos cu e mesun periodo


aña pasa. RIVM a nota cu e caida ta mayormente entre hende muher y hende homber heterosexual.

Casi 7.300 hende a ser diagnosticada cu gonorea, cual ta un aumento for di 6.800 den e mesun periodo aña pasa. Casonan di syphilis a aumenta for di casi 800 pa mas cu 900. Un total di 90 persona a contrata HIV, e virus responsable pa AIDS, cual ta un cifra cu casi no a cambia desde aña pasa.

Proveedornan di salud a de-

tecta menos caso di clamidia, mayormente pa via di testing a reduci significativamente. Awor hende ta solamente haya test pa clamidia si nan tin sintoma of si nan partner regular tin clamidia y sintoma. Casonan asintomatico ta keda sin ser detecta, haciendo e cantidad di casonan “difícil pa compara cu añanan anterior,” RIVM a bisa.

Aidsfonds—Soa Aids Nederland a adverti cu centronan di salud sexual “no por duna cuida na suficiente hende pa



via di fondo limita, cual por resulta cu malesanan ta keda sin ser detecta of sin ser trata,

y ta reduci bista den con e infeccionnan ta plama di berdad.”

Debate fuerte riba Inteligencia Artificial na Corsou

Den un auditorio yen na Banco Central di Corsou y Sint Maarten (CBCS), Consejo Social-Economico (SER) a tene su di tres seminario den cuadro di e ciclo Future of Work diamars ultimo, 30 di september, bao di e titulo “Living and Growing with AI.”

Na apertura di e evento, minister di Educacion, Ciencia, Cultura y Deporte Sr. Sithree van Heydoorn y director/secretario- general di SER, Sr. Raúl Henriquez, a manda un mensahe cla: inteligencia artificial ya no ta algo di futuro, sino e t'ey presente y ta cambiando economia y bida di nos tur. “Tardansa den tuma pasonan significante den e ambito aki, lo conduci na perdida,” asina Henriquez a adverti, specialmente pa un isla chikito manera Corsou cu mester keda relevante y competitivo den un mercado global cu ta cambiando di forma acelera.

E orado cu a haci e apertura oficial, Sr. minister Van Heydoorn, a pinta un panorama di speranza pero alabes e la manda un señal pa e publico. Van Heydoorn a urgi pa un esfuerso colectivo pa fortalece alfabetisacion digital, alertando cu sin



scolnan mas fuerte y un infraestructura escolar adecua, Corsou ta risca di haci e discrepancia digital, cu actualmente ta existi, mas grandi. Henriquez, na su turno, a insisti riba cuadronan legal, señalando cu transparencia, supervision humano y regla di lei (“rule of law”) mester keda central den cualkier uso di tecnologia basa riba inteligencia artificial.

Despues di e palabranan di introduccion, a amplia e discusion cu mas orado. Sr. Denneth van der Veen, kende ta consultor di innovacion, a defende e ponencia cu competencia digital por duna Corsou y Caribe un bentaha competitivo. Sr. Curt Belfor, director di e autoridad regulatorio di Corsou

(RAC), a enfatisa e necesidad di un maneho solido y mas transparente pa cu uzo di inteligencia artificial. Sr. Juan Carlos Goilo, fundado di Global Minds Network, a haci un apelacion riba ciudadanonan pa tuma un rol mas activo den un mundo cu ta ser domina mas y mas pa algoritmonan inteligente. Sra. Nicole Weber, kende ta especialista den desaroyo di competencia y di enseñansa, a trece bon cla pa dilanti cu enseñansa, educacion y lifelong learning ta e inversionnan di mas urgente aworaki pa por sigui edifica nivel di conocimiento y habilidadnan cu ta necesario pa desaroyo di nos isla.

Na e sesion ‘Microfon Habri’, mas puntonan di

bista a bin dilanti. Sra. Nevita Mezas, analista di mercado laboral, a elabora riba trabao remoto y nomadismo digital, cu ta trece tanto riesgo- como oportunidadnan. Sra. Elgenie Pieterella, empresario social, a para keto na vitalidad di economia informal na Corsou den e cuadro aki. Sr. Roland Ignacio, ex-lider sindical, a insisti cu labor organisa mester tin su luga na mesa di inteligencia artificial pa protege derechonan laboral y Sr. Albert Martes, director di servicio meteorologico y alabes presidente dje Plataforma di Cambio di Clima na Corsou, a recorda cu inteligencia artificial lo sigui aporta di forma conciso y mas exacto con Corsou lo enfrente retonan ambiental.

Loke a distingui e seminario aki for di hopi otro, tabata e formato: hopi interactivo y na cierto momento hasta confrontativo. Preguntanan for di e auditorio a varia di temor persistente pa mas brain drain te na ki forma inteligencia artificial por mina privacidad personal of debilita trabao den turismo, cu actualmente ta e sector economico mas relevante na Corsou. Panelistanan a yega na un consenso cu ta solamente un coalicion amplio di gobierno, sector empresarial, sindicatonan y

sociedad civil lo por garantisa cu inteligencia artificial por ser uza na un manera responsabel y husto.

E oradonan a enfoca riba e echo cu Corsou no por atende e desaroyo aki su so. Referente na cuadronan internacional, manera e cuadro etico di UNESCO, a demostra e necesidad agudo di alinia maneho local na standardnan global. Haciendo esaki lo posiciona Corsou como un pais chikito pero suficientemente desaroya, demostrando asina curashi den adoptacion di tecnologianan moderno sin perde aspectonan manera husticia social y sostenibilidad for di bista.

Na final dje seminario, Henriquez a conclui cu tecnologia moderno basa riba IA “ta solamente un instrumento; e prueba real ta si hende por adapta.” “Nos mester actua colectivamente — gobierno, sector priva y comunidad en general — pa construi un mercado berdaderamente dinamico den e era aki di inteligencia artificial,” asina Henriquez a enfatisa. “Solamente asina Corsou lo no ta simplemente biba cu IA, sino e lo sigui crece door di dje.”

PVV ta pidi independencia completo pa Aruba, Corsou y Sint Maarten

(CuraçaoChronicle) – Partido derechista Hulandes, PVV a renoba su yamado pa Aruba, Corsou y Sint Maarten bira completamente independiente for di Hulanda. Parlamentario Peter van Haasen a argumenta esaki durante un debate parlamentario tocante e futuro di e tres pais Caribense dentro di Reino.

Van Haasen a argumenta cu tanten cu e islanan ta depende riba sosten financiero Hulandes, Hulanda lo mester tin algo di bisa den nan gober-



nacion. El a agrega cu autodeterminacion berdadero lo yega solamente unabes cu e islanan logra independencia,

similar na e transicion di Surinam na 1975. PVV, lidera pa Geert Wilders, consistentemente a boga pa

elimina laso constitucional cu e tres pais. Sinembargo, a pesar di e posicion aki, no a tuma stapnan pa independencia durante e mandato di ex-miembro di PVV, Zsolt Szabo, kende brevemente a fungi como Secretario di Estado pa Relacionnan di Reino.

E debate den Parlamento tambe a general algun confusion. Parlaamentario di GroenLinks-PvdA, Raoul White inicialmente no a comprende e comentarionan di Van Haasen, puntrando pakico lo mester duna e islanan mas autonomia y con esaki lo

ta diferente di e status di Islanan Wadden Hulandes. Van Haasen a clarifica cu e no ta proponiendo mas autonomia, sino independencia completo pa e tres pais Caribense.

E yamado ta subraya e empuhe di PVV pa fundamentalmente reforma relacionnan di Reino, maske ta parce di tin tiki momentum politico entre otro partidonan pa ehecuta e propuesta. Mientras tanto, gobiernonan di Aruba, Corsou y Sint Maarten no a indica ningun deseo di busca independencia na e momento aki.

Sospechoso Curasoleño den asesinato di Peter R. de Vries ta bay keda den custodia Hulandes

(CuraçaoChronicle) – Raily Bart (39), e sospechoso Curasoleño cu ta deteni sospecha di participa den asesinato di periodista di crimen hulandes, Peter R. de Vries, ta bay keda den custodia na Hulanda. Corte di Apelacion a rechasa e solicitud di su abogado pa suspende su detencion prome cu huicio.

Ministerio Publico ta considera Bart un sospechoso clave den orkestra e asesinato di dia 6 di juli 2021. E tambe ta acusa di participa den un organizacion criminal y di comete fraude. Fiscalnan ta alega cu Bart a dirigi su red for di un cel di prison na Corsou.

Durante e audiencia, cu Bart a atende via video link for

di Corsou, reiteradamente el a invoca su derecho pa keda keto. Su defensa a argumenta cu no tin evidencia concreto contra dje, y cu mirando su sentencia existente di 20 año, no tin riesgo cu e lo huy. Sinembargo, corte a rechasa e argumentonan aki.

E caso ta bay ta back den corte dia 16 di december, cu audiencianan substantivo pro-

grama pa prome kwartaal di 2026. Desde april, Bart ta detenido na EBI (facilidad di seguridad adicional) na Vught, e prison di maximo seguridad na Hulanda.

Bart ta bon conoci na Corsou como miembro di organizacion criminal No Limit Soldiers, y tabata condena anteriormente pa su rol den e tiramento na 2014 na Aero-



puerto Internacional Hato. E huicio ta sigui di cerca na Corsou y Hulanda, ya cu asesinato di De Vries a shock sociedad Hulandes y a hala atencion internacional.

AWE

MINI MEGA

MEGA PLUS

Awo cu 2 florin mas, bo por gana e

*** Afl. 400.000,-**

*** Afl. 300.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS



HUNGA AWO

lotto

Hoben hinca pa ciclista na Den Haag

(NLTimes) – Un muhe di 18 aña a ser hinca pa un homber cu tabata core bicicleta na Den Haag diahuebs mainta. Segun Omroep West, e atake a sucede diripiente. Actualmente polis ta buscando e sospechoso. E victima a ser hiba pa hospital.

Polis y paramediconan a ser manda pa Prinsengracht pa 8:23 di mainta despues di a ricibi un melding cu e dama

a ser hinca den su pia cu un “obheto skerpi.” E incidente a tuma luga dilanti di un hostel. Parce cu e no tabata conoce e sospechoso, kende a huy bay direccion area di Schilderswijk.

Segun polis, e sospechoso tin entre 15 pa 20 aña di edad. E tin un color di cuero color scur y cabey cortico y scur. E tabata bisti cu un jacket preto cu capuchon y un sweater preto. E tabata core un bici-

cleta chikito, color oranje briyante cu saconan na banda color preto.

Ta urgi cualkier testigo cu a mira e sucedido of tin cualkier informacion relevante pa raporta esaki na polis. Polis a bisa cu nan por “realmente usa ayudo di testigonan.” Cualquier imagen di camara di e Prinsengracht tambe ta ser pidi door di polis.



Hulanda lo acepta mucha criticamente malo for di Gaza den hospital

(NLTimes) - **Gobierno demisionario** Hulandes lo hospitalisa un cantidad “hopi limita” di muchanan procedente di Gaza den condicion critico pa tratamiento na Hulanda, mientras tambe ta compromete 25 miyon euro pa ayudo medico y humanitario den e region, segun un carta manda pa Tweede Kamer diahuebs. Casi henter sistema di salud di Gaza a collapse, e ministernan a bisa.

Minister di Asuntonan Exterior, David van Weel y Secretario di Estado pa Ayudo pa Desaroyo, Aukje de Vries a bisa Tweede Kamer diahuebs



cu e muchanan ta rekeri “cuido medico compleho y altamente specialisa” y ta “den

condicion critico cu ta pone nan bida den riesgo.” Nan a adverti cu e cantidad di caso-

nan cu Hulanda por acepta lo keda “hopi limita,” mirando e capacidad di cuido domestico. Paisnan incluyendo Italia, Spaña y estadonan bisiña a tuma pashentnan caba.

Pa simannan largo, Prome Minister demisionario, Dick Schoof y Van Weel a argumenta cu cuido mester keda den e region, maske Partido Socialista y otro legisladornan di oposicion a exige pa Hulanda hospitalisa muchanan malo.

Tweede Kamer a rechasa varios mocion, cu PVV, VVD, BBB, FVD, SGP y JA21 votando contra nan. VVD a cambia su posicion e siman

aki, net prome cu su ministernan a anuncia e cambio.

Pa loko ta trata e pakete di 25 miyon euro, e ta destina pa financia tratamiento y remedi. E suma tambe ta stipula cu mester us’e pa sostene hospitalnan local, drecha y restaura sistemanan di awa, y mehora saneamento.

Van Weel y De Vries a bisa cu e contribucion Hulandes lo “yega mesora na miles di hende” y provee “algun espacio pa hala rosea pa e sistemanan di salud na Egipto y Jordania, cu ta bao presion di e fluho di pashent.”

No ta bay manda solicitantenan di asilo pa centro di deportacion na Uganda

(NLTimes) – No ta bay manda miembronan di comunidad LGBTQ pa Uganda, bao plan nobo pa debilbe solicitantenan di asilo di e region aki cu no tin permiso pa keda na Hulanda, segun minister di Asilo, David van Weel a confirma.

Tambe ta extende e proteccion aki na otro gruponan cu ta den riesgo di persecucion bao ley di Uganda, cu no ta cumpli cu norma di derecho humano Hulandes.

Durante un debate den Tweede Kamer, e minister di

VVD a bisa cu Hulanda tin un responsabilidad pa hendenan cu ta core riesgo di persecucion na Uganda. Mientras cu el a reconoce e preocupacionnan di e parlamentari- onan tocante derechonan humano den e pais, el a enfatisa cu e relacion di Hulanda cu Uganda ta permiti dialogo riba e asuntonan aki.

Van Weel a yega na un acuerdo cu Uganda siman pasa. Van Weel a bisa cu e por a revela poco tocante e memorandum di comprendemento riba peticion di Uganda y cu e lo haci detayenan publico solamente unabes cu e acu-

erdo ta oficialmente finalisa.

E acuerdo a bisa cu e solicitantenan di asilo lo keda na Uganda temporalmente prome cu nan regresa nan pais di origen. E schema ta diseña pa situacionnan caminda regreso boluntario no ta posibel y deportacion pa e pais di origen no por ser realisa. E plan tin como meta pa lansa un proyecto piloto chikito cu un centro di transito pa un cantidad limita di solicitantenan di asilo rechasa.

E anuncio di e acuerdo a trece contesta mixto. Am-



nesty International a critica e plan debi na e registro di derechonan humano di Uganda. Mientras tanto, miembronan di parlamento

a lanta preguntanan tocante detayenan specifico di e acuerdo, incluyendo e alcance di e region cu e ta aplica na dje.

Soldadnan Colombiano ta haya consuelo den ‘forsa di peluche’ cu cacho di apoyo emocional

(AP) — Na Hospital Militar Central na Bogota, un unidad inusual ta patruya e halnan cu un mision diferente di cualkier otro batayon: eleva e animo di soldadnan herida den combate.

Kratos, Rafa y Lupa ta forma e asina yama “forsa di peluche,” un grupo di cacho di apoyo emocional cu ta bishita miembro di servicio cu ta recuperando despues di ser herida den enfrentamento cu e gruponan arma ilegal di Colombia.

Un pa un, e tres cacho ta drenta e camber di Sargento di Dos Jeisson Sanchez Duque, kende a ser tira durante lucha den e provincia nort west di Antioquia. Kratos, e mas grandi di e cachonan, a saluda cu un pia despues di ricibi ‘treats’. Despues, Lupa a sinta riba vloer y Sanchez a brush e mientras el a keda sinta debi na su herida di lomba.

“Ta algo diferente ... bo ta lubida e dolor y bo ta enfoca riba e cachonan,” Sanchez a bisa The Associated Press.

Soldaatnan ainda ta lucha contra e cicatriznan for di un conflicto di decada largo na



Colombia cu a conduci na 450.000 hende mata y a forsa 7 miyon pa huy nan cas. Peser di un acuerdo di pas na 2016 entre e gobierno y e grupo di guerilla mas grandi di e pais FARC, varios grupo arma ainda ta opera na Colombia. E gruponan aki, incluyendo algun cu a separa for di FARC, ta disputa territorio evacua pa FARC y e economianan ilicito valioso cu ta core door di nan, incluyendo trafico di droga.

Lansa na april 2024 despues di un bishita di un organisacion di cuida di animal, e programa ta apunta pa provee apoyo psicologico y facilita recuperacion pa soldaatnan cu ta enfrentando

cicatriz fisico y emocional, incluyendo amputacion di mina terenal y herida di drone cu ta tira explosivo.

Segun e Oficina di UN pa Coordinacion di Asunto Humanitario (OCHA), incidente involucrando dispositivo explosivo na Colombia a aumenta 94% entre januari y juli compara cu e mesun periodo na 2024. E hospital tambe a nota un aumento di paciente cu a ser herida door di explosivo lanza pa drone.

Kratos a ser dona pa e Forsa Aereo, despues Rafa pa e Ehercito y despues dos mas cacho a ser dona pa e dokternan di hospital.



E programa desde eynan a expande pa permiti paciente pa trece nan mesun cacho y provee pausa di bienestar pa personal.

“(E cachonan) ta muestra un beneficio den recuperacion di paciente, respalda pa cambianan fisiologico cu ta sucede durante interaccion, cu nos por mira como recreacional, pero den e caso aki, nan ta terapeutico pa paciente,” Eliana Patricia Ramirez, e director medico adhunto di hospital, a splica na AP.

Pa soldaat Luis Miguel Lopez, kende a perde parti di su pia door di un mina na Puerto Valdivia den provincia

Antioquia, e bishitanan di e cachonan a yuda penetra e depresion cu e tabatin mientras tabata den hospital.

E experiencia tambe a corda el di Goma, un cacho anti-explosivo cu a salba su unidad varios biaha prome di ser mata door di un explosion.

“Mi tabata asina depresivo den mi camber, pasobra mi tabata cera eyden. Mi casa a duna mi apoyo pero no tabata e mesun cos,” el a bisa.

“Ora e cachonan ey drenta, nan ta cambia bo pasobra nan ta trece felicidad.”

Trump ta bisa cu EU ta den ‘conflicto arma’ cu cartelnan di droga despues di ordena atakenan den Caribe

(AP) — Presidente Donald Trump a declara cartelnan di droga como combatante ilegal y ta bisa cu Estados Unidos awor ta den un “conflicto arma” cu nan, segun un memo di administracion Trump obteni door di The Associated Press diahuebs, siguiendo atakenan recien di EU contra boto den Caribe.

E memo ta parce representa un seguransa extraordinario di poder presidencial di guerra, cu Trump efectivamente declarando cu trafico di droga den Estados Unidos ta ekivalente na conflicto arma cu ta rekeri e uso di forsa militar — un racional nobo pa accionnan pasado y futuro.

“E Presidente a determina cu Estados Unidos ta den un conflicto arma no-internacional cu e organisacionnan di terrorista designa aki,” e



memo ta bisa. Trump a dirigi e Pentagon pa “conducta operacion contra nan conforme cu e ley di conflicto arma.”

“Estados Unidos awor a yega na un punto critico unda nos mester usa forsa den auto-defensa y defensa di otro en

contra di e atakenan cu ta sucede door di e organisacionnan di terrorista designa aki,” e memo ta bisa.

Ademas di señala un momento potencialmente nobo den e agenda “America First” di Trump cu ta faborece no-intervencion na exterior, e declaracion ta lanta pregunta serio tocante con leu e Cas Blanco tin intencion di usa su podernan di guerra y si Congreso lo eherce su autoridad pa aproba — of prohibi — tal accionnan militar.

“Estados Unidos ta tuma un paso mucho mas dramatico — un cu mi ta kere ta hopi leu di ley internacional y un peligroso,” a bisa Matthew Waxman, kende tabata un oficial di seguridad nacional den e administracion di George W. Bush.

Esaki ta “nifica cu Estados Unidos por ataca miembro di e cartelnan ey cu forsa mortal. Ta nifica cu Estados Unidos por captura y detene nan sin procesamiento.”

Fundacion di Woman's Club di Jamaica a keda lansa oficialmente

(JamaicaObserver) - E Woman's Club Foundation of Jamaica (WCFJ) a keda lansa oficialmente na Terra Nova All Suite Hotel recientemente, marcando loke e organizacion ta describi como un logro significativo den e continuacion di un herencia di servicio na e nacion.

Den su remarcnan na e lansamento, Presidente Patricia Chuck a enfatisa cu e fundacion a nace for di e vision pa construi riba generacionnan di hende muhe cu a dedica nan mes na construcion di nacion a traves di Woman's Club.

Formalmente incorpora na 2020, e fundacion a organisa su mes durante e añanan di reto di COVID-19, surgien-do cu un determinacion mas grandi ainda pa sostene esnan mas vulnerabel di Jamaica.

"Awe nos no ta solamente celebra e establecimiento di un fundacion," e presidente a bisa, "Pero nos ta reafirma nos compromiso cu servicio, pa garantisa cu esnan mas



vulnerabel den nos sociedad ta ser cuida, sostene y duna e oportunidad pa prospera."

E evento a conta cu testimonionan di partnernan, incluyendo Majesty Gardens Infant School, Sir John Golding Rehabilitation Centre, Chain of Hope Jamaica, RISE Life Management Services, Mona Aging and Wellness Center

na Universidad di Antias, y e Consie Walters Cancer Care Hospice. E historianan comparti a destaca e impacto tangibel di e fundacion.

"Danki na e inversion di e fundacion, nos a construi conscientisacion di 4.862 mucha na 2024, y 5.059 te awor na 2025, a traves di e Programa di Prevencion di

Uso di Substancia y Educacion na scolnan. Tambe nos a aumenta e cantidad di scolnan cu a beneficia di e sessionnan di 79 pa 82. Mi kier gradici e miles di muchanan cu el a yuda subi pa alcanza a traves di su sosten," asina Director Ehecutivo di RISE Life Management Services, Nadine Chambers-Goss a bisa.

Marcia Valentine Taylor, director di Majesty Gardens Infant School, a enfatisa e importancia di inverti den comunidnan.

"Nos tin cu inverti den e generacion aki pa sigura un futuro briyante. Nos tin cu crea e espacio fisico y emocional ey pa crea e cambio ey pa futuro," el a bisa.

Na 2026, e fundacion tin como meta pa amplia sosten di salud di mucha, amplia beca y profundisa partnershipnan den comunidad. Guia pa e Metanan di Desarrollo Sostenibel di Nacionnan Uni, e ta bisa cu su enfoko ta keda riba bon salud y bienestar y educacion di calidad.

"Nos vision ta ambicioso pero necesario," e presidente a señala, "Nos kier mira un Jamaica caminda ningun mucha ta ser nenga cuido di salud of educacion pa motibo di circunstancia, caminda nos grandinan ta biba cu dignidad y compania, y caminda comunidnan ta ser empodera pa crea futuronan mas briyante y mas resiliente."

Puerto Rico: Menos caso di dengue na 2025

Departamento di Salud ta registra nueve siman bou di e limite di epidemia

(ElNuevoDia) - Tres luna prome cu e declaracion di un epidemia di dengue termina, e hefe medico di Departamento di Salud, Iris Cardona, a comparti cu nueve siman a ser registra bou di e limite di epidemia, aunke el a indica cu nan ta keda vigilante, ya cu e casonan tin e tendencia di aumenta na october.

"E miho noticia ta cu nos a keda nueve siman bou di loke ta ser yama e limite di epidemia. Si esaki sigui, e ora ey e aña, aunke 2025 lo termina como un aña epidemico, nos lo cera cu menos caso," Cardona a enfatisa.

Sinembargo, e dokter a insisti pa no laga nan vigilancia abou, ya cu october tin e tendencia di mira incidentenan halto cu ta cuadra cu e awasero maximo. "E luna cu mas caso reporta na 2024, y den epidemianan di pasado, ta october. Nos mester ta vigilante," el a reitera.

E gobierno a declara un epidemia di dengue un aña



pasa, memey di un aumento historico cu ta afecta henter America.

E instancia a prolonga e declaracion dos biaha, e ultimo biaha te dia 31 di december.

Entre 1 di januari y 25 di september di e aña aki, Ministerio di Salubridad a informa 2.536 caso.

Pa e mesun periodo aña pasa, tabatin 8.496 caso. Entre e dos añanan, 21 morto pa motibo di dengue a ser identifica: 14 na 2024 y 7 na 2025.

"Mayoria di e mortonan ta bou di hende grandi, pero na 2024, hobennan di 31 aña, 25 aña y un mucha muhe di 17 aña a muri," el a recorda tocante e mortonan debi na e virus.

Cardona a specifica cu, na 2024, 52.3% di casonan a resulta den hospitalisacion, mientras cu e aña aki e tabata 49.3%, segun e sistema di vigilancia di Salud.

Durante e epidemia, entre tur dos aña, e cantidad di casonan mas halto (2.593) tabata cerca mucha y hobennan entre 10 y 19 aña.

"No tin un solo pueblo

riba nos isla cu no a raporta casonan di dengue den e ultimo aña y mey. Manera por a mira den pasado, e poblacion pediatrico ta esun mas afecta, pashentnan bao di 20 aña di edad, particularmente muchanan den edad di scol," el a splica den su presentacion na cientificonan y otro participantenan na e convencion di Vector Unit di Ciencia, Investigacion y Tecnologia Trust.

Den e mesun spirito di colaboracion cu Cardona, Dr. Joanelis Medina Quintana, gerente di laboratorio di e Unidad di Control di Vector, a conecta e bahada den casonan raporta na esfuersonan di prevencion y metodonan di comunidad pa reduci e poblacion di e sangura Aedes aegypti, un vector di malesanan manera dengue, chikungunya y Zika.

Durante 2024 y 2025, el a calcula cu e Unidad a impacta mas cu 50 proyecto di vivienda publico den e area metropolitano.

Pakico algun ta mira Bad Bunny como e escogencia controversial pa half-time show di Super Bowl 2026

(Yahoo) – Bad Bunny a keda revela como e artista pa e half-time show di Super Bowl 2026 e siman aki, generando un mezcla di reaccion entre emocion y malcontento di diferente segmento di publico Rubiano.

Mientras hopi fanatico di e rapper Portorriqueño tabata emociona ora di haya sa cu e lo ta liderando e evento, cual ta tuma lugar na Levi's Stadium dia 8 di februari na Santa Clara, California, otronan tabata critico di e escogencia di Liga di Futbol Nacional (NFL).

Reaccionnan negativo ta parce di considera dos factor clave: cu e ta canta principalmente den Spaño, y cu e ta boga pa migrante memey di e deportacionnan y accionnan di ICE (Agencia pa Aplicacion di Inmigracion y Aduana Mericano) na Merca.

Naci na Bayamon y lanta na Vega Baja, Bad Bunni tin orguyo Portorriqueño hancra den su arte y imagen publico. E artista, 31, ta un sensacion Latino, kende recientemente a conclui su residencia di 31 show na San Juan, y ta describi su album mas recien,



Debi Tirar Mas Fotos di 2025, como un carta di amor pa Puerto Rico.

Su album di 2022, Un Ve-

rano Sin Ti a bira e prome album den Spaño pa keda nomina pa Album di Aña den premionan Grammy, y Bad Bunny a laga tur hende sa di

su amor pa canta den Spaño. E ta credita pa pusha rap den Spaño den popularidad.

Pero e falta di hit na Ingles ta ser mira pa otronan como un problema.

Mientras cu e rapper a bisa cu e ta habri pa e idea di canta na Ingles, no ta algo cu e ta bay djis haci pa complace cierto demografico. “Ta djis cu mi ta sinti mas comodo den mi propio idioma... mi ta pensa den Spaño, sinti den Spaño, come den Spaño, canta den Spaño,” Bad Bunny a bisa Vanity Fair na 2023. Tocante si e ta bay canta na Ingles, el a bisa cu “mi nunca ta bay hacie djis pasobra un hende ta bisa mi mester hacie pa yega na cierto audiencia.”

Hipocresia

Otronan tambe a acusa Bad Bunny di hipocresia pa bay di acuerdo pa presenta den Super Bowl mientras a exclui Merca continental di su Tour Mundial proximo den respuesta na e operacionnan di inmigracion andando, conduci pa administracion di Trump.

“Tabatin hopi motibo pakico mi no a presenta na Merca, y niun di nan tabata odio – mi a presenta eyan hopi biaha. Tur e shownan tabata exitoso. Tur di nan tabata magnifico,” el a bisa i-D magazine na

september. “Latino y Portorriqueño di Merca tambe por biahá aki [na Puerto Rico], of cualkier parti di mundo. Pero tabatin e problema di – manera, f**king ICE por ta pafo [di mi concierto]. Y esey ta algo tocante cual nos a papia y tabata hopi preocupa.”

Un usuario riba X a critica Bad Bunny di lidera e Super Bowl 2026 a pesar di scoge pa no inclui Merca den su tour, y a ricibi casi mey miyon reaccion. “E concepto di nenga di presenta na Merca pa protesta contra ICE y despues bay di acuerdo pa e Super Bowl Imfao,” e post a bisa.

Un rapport di Media Culture di 2025 a haya cu e audiencia na cas di e evento deportivo ta den su mayoria hende homber (57 porciento) y Blanco (68 porciento), cu GenX y Baby Boomer con tanto pa 60 porciento. Un encuesta separa di Statista na 2023, cu a midi e importancia di e Super Bowl, a haya cu encuestado Blanco a reporta un porcentahe mas halto di rating “hopi importante” compara cu color scur, Latino of Asiatico. “E ta bay canta den Spaño na e evento mas Mericano den e clima politico actual,” otro usuario di X a bisa. “E ta claramente un mensahe intencional.”

CASH DEN 3

electro ★

Avenida Milio Croes 41 ☎ (+297) 280-0222

OPPA a celebra di gran forma Dia Internacional di Adulto Mayor

Dia 14 di December 1990 Asamblea di Nacionnan Uni a proclama 1 di October como Dia Internacional di Adulto Mayor. Pa honra e fecha importante aki, OPPA a organisa un mainta special dedica exclusivamente na su miembran di 85 aña y mas, un grupo cu hopi biaha no ta sali for di cas. Di e manera aki OPPA ta keda fiel na su mision pa duna atencion y cariño na tur categoria di e pensionadonan miembro.

E actividad a inicia cu interpretacion di e Himno di Aruba presenta pa banda musical 'Notas di Amor' bou direccion di Sr. Shurby Maria.

Presidente di OPPA, Sr. Ivo Valdes, a habri e actividad cu palabra di bonbini y a hiba un discurso cortico enfatisando cu hopi orguyo e gran balor y aporte cu nos grandinan a duna na e comunidad Arubiano.

Durante e mainta, Banda 'Notas di Amor' a brinda un presentacion alegre, cu cancionnan di temponan atras. Esaki a trece un dushi ambiente cu hopi recuerdo y union.

Un momento hopi special tabata e bishita sorpresa di Minister President Sr. Eman cu a yega pa felicita personalmente nos grandinan y comparti algun palabra di aprecio.

Despues di esaki, nos grandinan a participa den un actividad interactivo cu a haci nan



recorda nan tempo di mucha. Nan a comparti bunita recuerdo di amistad, deporte y famia. Cada grupo a scoge un cantica cu nan tabata gusta canta e tempo ey. E banda a acompaña cada grupo na momento di presenta e cantica y tur participante tambe a canta hunto cu e grupo.

E celebracion a termina cu un segundo presentacion di e banda, ora cu mayoria di e grandinan no a resisti y a lanta pa balia y gosa.

Pa finalisa e dia, nos grandinan a ricibi dushi pasa boca

manera cuki, copi di fruta y un box cu snacks. Ora di bay cas, cada un a ricibi un tert y un recuerdo simbolico di OPPA.

OPPA kier expresa su sincero danki na tur cu a contribui pa haci e celebracion aki un exito, principalmente OPPA su



comision di actividad, CdA, y e banda 'Notas di Amor' cu a trece musica y alegria pa nos grandinan.



START YOUR DAY IN PARADISE

20% off for locals*

laguna

OPEN DAILY 7 - 11 AM

For reservations +297-526-6612

**Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties**

*Offer is valid for local residents with a local ID. Limited to a maximum of 30 persons. Bottles are not included in this offer.

Hilton
ARUBA CARIBBEAN
RESORT & CASINO

Coredor Olimpico Semenya ta termina lucha legal historico contra regla di eligibilidad di sexo

(AP)—Coredor Olimpico Caster Semenya ta terminando un desafio legal di siete aña contra reglanan di eligibilidad di sexo den atletismo, segun su abogadoonan a bisa diahuebs, a pesar di gana un caso na e Corte Europeo di Derecho Humano den juli cu a parce di stimula un di e casonan mas controversial den deporte.

Semenya ta un dos-biaha medayista Olimpico den e 800 meter for di Sur Africa cu a ser prohibi di core den su careda faborito den competencianan internacional manera e Olimpiada y campeonatonan mundial desde 2019 pasobra el a nenga di sigui e reglanan y tuma medicamento pa artificialmente reduci su nivelnan di hormoon.

Desde 2018, el a tuma su bataya legal contra e reglanan aplica pa e organismo gobernante di atletismo World Athletics na tres corte; e corte



mas halto pa deporte basa na Suisa, e Tribunal Federal Suisa y e Corte Europeo di Derecho Humano.

El a argumenta cu e reglanan a viola su derechonan. El a perde su apelacion na e Corte di Arbitracion pa Deporte y na e Tribunal Federal Suisa. Sinembargo, e Corte Europeo di Derecho Humano a dicta den juli cu e no a haya un proceso husto na e tribunal y cu e corte no a considera algun di e argumentonan

compleho adecuadamente. Esey a habri caminda pa e continua cu su desafia.

Semenya tabata e coredor di distancia medio mas dominante na mundo y a keda sin ser derota den mas cu 30 careda ora el a haya e prohibicion. Awor cu 34 aña di edad, el a move bay den coaching pasobra e regulacionnan a practicamente caba cu su carera. E tabata e cara di reglanan controversial di eligibilidad

di sexo den deporte desde cu el a gana e campeonatonan mundial na 2009 y tabata forsa pa haya test di verificacion di sexo. Semenya tin un di varios condicion conoci como diferencianan den desaroyo sexual, of DSD. E tin e patronchi masculino tipico di XY den cromosoma pero tambe caracteristicanan fisico femenino y nivelnan halto di testosterone. Condicionnan DSD tin biaha ta ser yama condicionnan intersexual.

Semenya no ta transgenero a pesar cu su caso sa ser confundi cu e debate divisivo tocante e participacion di atletanan transgenero den competencianan femenino. El a ser identifica como femenino na nacemento, a crece como mucha muher, y semper a identifica su mes como femenino.

World Athletics ta bisa cu Semenya y un cantidad chikito di otro atletanan DSD den atletismo internacional tin

nivelnan di testosterone comparable cu hende homber, dunando nan un bentaha inhusto riba otro hende muher pa via di e conexcion di e hormoon cu masa muscular y prestacion cardio-vascular.

E mundo di atletismo a introduci reglanan nobo gobernando hende muher cu testosterone natural halto na 2011 den un maniobra considera como un respuesta directo na e yegada di Semenya. E regulacion a bira mas estricto durante añanan y e cambio mas recien ta distancia for di e monitor di testosterone y ta rekeri hende muher di competi den atletismo pa haci test genetico pa controla si tin e presencia di un cromosoma Y.

Si nan fracasa e test aki, nan ta ser prohibi di participa den competencianan femenino. E reglanan nobo a bin den efecto dia 1 di september prome cu e campeonatonan mundial.

Presidente di FIFA ta urgi organismo pa promove paz y no tuma accion contra Israel

(AP) — Enfrentando yamadonan global pa suspende equiponan Israeli for di futbol, presidente di FIFA Gianni Infantino a bisa diahuebs cu e organismo gobernante mester promove paz y unidad y no por resolve asuntunan politico.

Den un periodo emocionante pa politica di futbol, Infantino a lidera un reunion di e consejo di gobernacion di FIFA na Zurich cual no tabatin Israel formalmente poni riba agenda prome cu e weganan di cualificacion di Copa Mundial 2026 resumi otro siman.

Despues el a reuni den priva na e oficina di FIFA cu lider di e federacion di futbol Pal-

estina, Jibril Rajoub, y a gaba su organisacion "pa nan resiliencia durante e tempo aki."

E empuhe mas fuerte contra equiponan Israel pa lidernan di futbol Europeo durante e conflicto na Gaza a keda para despues di un propuesta di paz dialuna den e Cas Blanco pa presidente Mericano Donald Trump y prome minister Israel Benjamin Netanyahu.

Infantino a subraya na su consejo "e importancia di promove paz y unidad, particularmente den e contexto di e situacion andante na Gaza," FIFA a bisa den un comunicado di prensa cu no a referi directamente na Israel. "FIFA no por resolve problemanan geopolitico," Infantino a bisa den e declaracion, "pero e por y mester promove futbol rond mundo por medio di cosecha su balornan di union, educacion, cultura y humanidad."

FIFA no a planea un conferencia di prensa y Infantino no tabata disponible pa entrevista.

E equipo masculino Israel mester biaha awor pa hunga



den e cualificacion contra Noruega na Oslo dia 11 di october y contra Italia na Udine tres dia despues.

Noruega tabata entre e federacionnan Europeo urgiendo UEFA pa yama pa un voto di su comite ehecutivo prome cu e reunion di FIFA na Zurich tocante e suspension di equiponan Israeli den competencianan internacional. E

organismo di futbol Turco a haci yamado directamente riba UEFA y FIFA pa suspende Israel.

Cualquier voto di e panel di UEFA ta parce probable pa pasa, segun personanan familiar cu e discusion a conta AP, a pesar di oposicion for di algun miembro incluyendo Israel mes y Alemania. FIFA y Infantino—ken a crea

un relacion cerca cu Trump prome cu Merca lo co-organisa e Copa Mundial otro aña hunto cu Canada y Mexico—kisas nunca tabata planea pa cumpli cu e voto di UEFA. E prospecto ey a bira aun mas leu siman pasa ora e Departamento di Estado na Merca a bisa cu e lo traha pa protege Israel su status den futbol.



Cometa interstelar ta pasa cerca di Mars mientras un flota di nave espacial ta observa

(AP) — Un cometa for di un otro sistema stellar lo pasa cerca di Mars dia-bierna mientras un flota di nave espacial ta entrenando su mira nan riba e bishitante interstelar.

E cometa conoci como 3I/Atlas lo core den di 29 miyon kilometer di e planeta cora, su acercamento mas cerca durante su biahe door di e sistema solar interno. Su velocidad asombroso: 310.000 kph. Tur dos di e satelitenan di e

Agencia Espacial Europeo rond di Mars ya ta apuntando nan camaranan riba e cometa, cu ta solamente e di tres ob-heto interstelar conoci cu a pasa nos caminda. E satelite di NASA y rovern nan na e planeta cora tambe ta disponibel pa asisti den e observacionnan.

Descubri na juli, e cometa no ta presenta ningun menasa pa Tera of su planetanan bisindario. E lo yega mas cerca di solo na final di october. Durante november, e nave



espacial Juice di ESA, cu ta dirigi pa Jupiter y su lunanan di ijs, lo mantene un mirada riba e cometa.

E cometa lo haci su acercamento mas cerca na Tera na december, pasando den di 269 miyon kilometer.

Observacion door di e Telescop Espacial Hubble a pone e nucleo di e cometa na no mas cu 5.6 kilometer di diametro. E por ta mesun chikito cu 440 meter, segun NASA.

Glaciarnan Suiso a reduci cu 3% e aña aki, e di cuater reduccion mas grandi den registro

(AP) — Glaciarnan di Suisa a enfrenta reduccion “enorme” e aña aki cu un baha di 3% den volumen total — e di cuater baha anual mas grandi den registro — debi na e efectonan di calentamiento global, glaciologonan principal Suiso a reporta diaranson.

E reduccion e aña aki taifica cu e masa di ijs na Suisa — cu tin e mas glaciarnan den Europa — a disminui pa un cuarta parti durante e ultimo decada, e grupo di monitor di glaciarnan Suiso GLAMOS y e Academia di Ciencia Suiso a bisa den nan report.



Suisa ta cas pa casi 1.400 glaciarnan, e mas di cualkier pais na Europa, y e masa di ijs y su reduccion gradual tin im-

plicacion pa hydropower, turismo, agricultura y recursionan di awa den hopi pais Europeo.

Mas cu 1.000 glaciarnan chikito na Suisa ya a desaparece, e expertonan a bisa.

E teamnan a reporta cu un winter cu tiki sneeuw a ser sigui door di hopi di calor na juni — e di dos juni mas cayente den registro — cu a laga e reservanan di sneeuw agota pa comienzo di juli. Masanan di ijs a cuminsa smelt mas tempran cu a yega di sucede te awo, nan a bisa.

“Glaciarnan claramente ta reduci debi na calentamiento global antropogenico,” a bisa Matthias

Huss, e hefe di GLAMOS, refiriendo na cambio cli-

matico causa door di actividad humano.

E reduccion ta e di cuater mas grandi despues di esunnan na 2022, 2023 y bek na 2003.

E retirada y perdida di glaciarnan tambe tin un impacto riba e paisahe di Suisa, causando sero pa move y tereno pa bira instabil.

Autoridad Suiso a keda na alerta aumenta pa cambionan asina despues di un masa enorme di piedra y ijs for di un glaciarnan a bin abao un banda di sero cu a cubri casi tur e pueblo di Blatten na sur na mei.

Lava di Kilauea a yega altura di un skyscraper durante un erupcion di 6 ora


(AP) — E volcan Kilauea di Hawaii tabata tira lava for di su entrada semi-regularmente desde fin di aña pasa, deleitando residente, bishitante y televidente online igual.

Diaranson, e volcan tabatin su di 34 episodio desde december. Cientifico ta kere cu nan tur ta parti di e mesun erupcion pasobra magma tabata sigui e mesun caminda pa e superficie.

Fuente for di e entrada sur na e entrada di Cumbe di Kilauea a subi 400 meter den aire, segun e Servicio Geologico di Merca. Esaki ta mas halto cu Empire State Building di New York cu ta mas cu 100 piso.

E erupcion a disminui despues di seis ora.

E lava a keda contene den e



area di Cumbe den di Parke Nacional di Volcannan di Hawaii y no a menasa cas of edificio. No ta spera cu e afecta aeropuertonan comercial local.

Kilauea ta na Isla di Hawaii, e mas grandi di e archipelago

di Hawaii. E ta aproximadamente 320 kilometer sur di e ciudad mas grandi di e estado, Honolulu, cu ta na Oahu.

Un area di magma abao di Crater Halemaumau a ricibi magma directamente for di

e interior di tera na aproximadamente 3.8 meter cubico pa seconde, a bisa Ken Hon, científico-en-cargo na e Observatorio di Volcan Hawaiano. Esaki ta hinca e camara manera un balon y ta forsa magma den un areanan mas

halto. For di eynan e ta ser pusha ariba di tera door di crack.

E provision di magma expandiendo ta ser cubri door di magma mas pisa cu a expulsa su gas na final di e episodio anterior. Eventualmente suficiente magma nobo ta acumula pa forsa e magma sin gas afo, y e magma ta sali dispa manera un boter di champagne cu a ser sacudi prome cu e tapa a ser saca.

Esaki ta e di cuater biaha den 200 aña cu Kilauea a tira fuente di lava den aire den episodio ripiti. Tabatin mas episodio e ultimo biaha cu Kilauea a sigui e patrona aki: E erupcion cu a cuminsa na 1983 a cuminsa cu 44 sesion di tira fuente. Sin embargo, esey a sucede durante tres aña. Y e fuentenan a sali den un area remoto, pesey tiki hende a por wak.

Accidente pa falta di preferencia na Caya Frere Arnold

Diaranson atardi a drenta informe di un accidente na Caya Frere Arnold, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Hyundai Elantra no a duna preferencia na un taxi Honda Odyssey cu tabata na su man drechi.

Afortunadamente ningun hende a resulta herida.



Auto di agencia sin number a bay dal tras di auto y laga chauffeur herida



Diaranson merdia a drenta informe di un accidente cu hende herida pariba di e rotonde Cumana, mesora a dirigi tanto polis como ambulance na e sitio.


Na yegada di e patruya a bin compronde cu un auto s.u.v. BYD no a regula su velocidad ni a mantene distancia a bay dal tras di un Suzuki Swift mancha pa un dama cu tabata keha di dolor di nek.

Na yegada di e ambulance nan a atende e dama pero despues a nenga di bay cu ambulance.

Dama su so na cas y cu porta na lock a cay den camber y disloca su rudia

Diamars anochi a drenta informe di cu un mucha muher di 22 aña a cay den su camber disloca su rudia y ta pidi ayudo na Turibana, mesora a dirigi un ambulance na e sitio.

Na yegada di e ambulance a haya full e cas na lock y nan no por a drenta y a pidi ayudo di polis. Cu ayudo di polis nan a logra drenta atende e dama y a transporte pa hospital.




Persona di edad a cay for di trapi di trabao y tabata abao benta cu keho di dolor na lomba

Diaranson mainta a drenta informe di cu un persona di edad a cay for di un trapi di trabao y ta benta abao ta keha di dolor di lomba na Papaya, mesora a dirigi un ambulance na e sitio.

Na yegada di e ambulance nan a atende e dama y a transporte pa hospital.



Accidente dilanti Centro di Bario Tanki Leendert a laga 2 auto sin por core




Diahuebs madruga a drenta informe di un accidente dilanti Centro di Bario Tanki Leendert, mesora a dirigi un patruya na e sitio.

Na yegada di e patruya a bin compronde cu aki ta trata di un accidente

entre 2 auto cual tabata tin hopi daño pero afortunadamente ningun hende herida.

Forensys a presenta pa atende e accidente aki cual a laga ambos auto asina hopi destrui cual mester di a tow ambos auto.



Auto a sali dilanti motociclista y nan a accidenta dilanti Quinta del Carmen na Bubali



Diaranson anochi a drenta informe di un accidente cu hende herida dilanti Quinta del Carmen na Bubali, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un auto mancha pa un turista lo a sali dilanti un brommer cu a purba desvia pero asina mes a haak na e bumper patras y a dal abao. Debi na e impacto y caida el a resulta herida.

Na yegada di e ambulance nan a atende y transporte pa hospital.



Candela di mondi na Vigia Paradera tabata menasa casnan den vecindario



Diahuebs madruga a drenta informe di un candela di mondi na Vigia Paradera, mesora a dirigi tanto polis como bombero na e sitio.

Na yegada di e patruya a bin compronde cu un taxista na su regreso pa su cas despues di a duna su servicio na un cliente a observa un candela

basta grandi patras di cas di su bisiña y a pasa man pa un slang y a cuminsa combati e candela. Pero polis a nota cu e vlamnan ta creciendo y e candela yegando mas cerca a pidi pa bomberonan yega cu mas urgencia.

Na yegada di bomberonan cu nan slang cu mas potencia a logra domina e candela aki completamente.

Chauffeur bao influencia a dal 2 dama canando banda di caminda na Solito



Diaranson anochi a drenta informe di un accidente cu hende herida na Solito, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata un accidente unda un chauffeur bao influencia coriendo un Nissan Skyline a bay dal 2 dama peaton canando banda di

caminda y lomba pa e chauffeur cu a bay dal ambos. Debi na e impacto ambos dama a resulta herida. Ora cu polis a bay test e chauffeur ela surpasa e limite permiti. Polis mesora a detene.

Na yegada di e prome ambulance nan a atende ambos dama y na yegada di e di 2 ambulance nan a transporta ambos pa hospital.

Con e prome eleccion di Siria desde e expulsion di autocraat Assad ta spera pa desaroya

(AP) — Siria ta prepara pa tene eleccion parlamentario diadomingo pa e prome biaha desde e caida di e lider autocratico di pais, Bashar Assad, kende a ser expulsa den un ofensiva rebelde na december.

Bao di e gobierno di 50 aña di e dinastia Assad, Siria tabata tene eleccion regular den cual tur ciudadano Sirio por a vota. Pero den practica, e Partido Baath dirigi door di Assad semper a domina e parlamento, y e votacionnan tabata ser considera ampliamente como eleccion falso.

Analista di eleccion externo a bisa cu e unico parti berdaderamente competitivo di e proceso tabata bin prome di dia di eleccion — cu e sistema di primario interno den e Partido Baath, ora miembro di partido tabata lucha pa posicion riba e lista.

Sin embargo, e eleccionnan cu lo ser teni diadomingo no lo ta un proceso completamente democratico tampoco. Mayoría di e bankinan di Asamblea di Pueblo lo ser vota door di colegio electoral den cada distrito, mientras un tercera parti di e bankinan lo ser directamente nombra door di e Presidente interino Ahmad al-Sharaa.

Aunke no ta un votacion popular, e resultadonan di eleccion lo probabelmente ser tuma como un barometro di con serio e autoridatnan interino ta tocante inclusividad, particularmente di muhe y minorianan.

Con e sistema ta funciona E Asamblea di Pueblo tin 210 banki, di cual dos tercera parti lo ser eligi diadomingo y un tercera parti lo ser nombra. E bankinan eligi ta ser vota door di colegio electoral den distritonan alrededor di e pais, cu e number di banki pa cada distrito distribui door di poblacion.

Den teoria, un total di 7.000 miembro di colegio electoral den 60 distrito — scogi for di un grupo di solicitante den cada distrito pa comite nombra pa e proposito — mester vota pa 140 banki.

Sin embargo, e eleccionnan den provincia Sweida y den areanan di e nort oost controla door di e Forsanan Democratico Sirio dirigi door di



Kurdo a ser pospone indefinidamente debi na tension entre e autoridatnan local den e areanan ey y e gobierno central na Damascus, lo nifica cu e bankinan ey lo keda bashi.

Den practica, rond di 6.000 miembro di colegio electoral lo vota den 50 distrito pa aproximadamente 120 banki.

E distrito mas grandi ta esun cu ta contene e ciudad di Aleppo, unda 700 miembro di colegio electoral lo vota pa yena 14 banki, sigui door di e ciudad di Damascus, cu 500 miembro votando pa 10 banki.

Tur candidato ta bin for di e miembresia di e colegionan electoral.

Siguiendo e expulsion di Assad, e autoridatnan interino a disolve tur partido politico existente, cu mayoría tabata estrechamente afilia cu e gobierno di Assad, y ainda no a establece un sistema pa partido nobo registra, tur candidato ta core como individuo.

Pakico no tin votacion popular

E autoridatnan interino a bisa cu lo ta imposibel pa crea un registro di votante precies y conducta un votacion popular na e etapa aki, dado cu mision di Sirio a ser desplasa interno of externamente door di e guerra civil di casi 14 aña di e pais y hopi a perde documentonan personal.

E parlamento aki lo tin un termino di 30 luna, durante cual e gobierno ta supone di prepara e tereno pa un vota-

cion popular den e siguiente eleccionnan.

E falta di un votacion popular a trece critica di no ta democratico, pero algun analista ta bisa cu e motibonan di gobierno ta legitimo.

“Lo tabata realmente dificil pa traha lista electoral awe na Siria,” of pa aregla e logistico pa Sirionan den e diaspora pa vota den nan pais di residencia, el a bisa.

Haid Haid, un miembro di investigacion senior na e Iniciativa di Reforma Arabe y e think tank Chatham House a bisa cu e asunto mas preocupante tabata e falta di criterio cla baodi cual electornan a ser scogi.

“Specialmente ora ta trata di scoge e subcomitenan y e colegionan electoral, no

tin supervision, y e proceso completo ta sorto di potencialmente vulnerabel pa manipulacion,” el a bisa.

Tabatin objeccion amplio despues cu autoridad electoral “a remove nombrenan for di e listanan inicial cu a ser publica, y nan no a provee informacion detaya tocante pakico e nombrenan a ser kita,” el a bisa.

Pregunta tocante inclusividad No tin quota fiha pa representacion di muhe y minorianan religioso of etnico den e parlamento.

Muhe tabatin mester forma 20% di e miembronan di colegio electoral, pero esey no a garantis cu nan lo forma un porcentahe comparabel di candidatonan of di esunnan eligi.

E agencia di noticia di estado SANA, citando e cabesante di e comision nacional di eleccion, Mohammed Taha al-Ahmad, a reporta cu muhe a forma 14% di e 1.578 candidato cu a yega na e listanan final. Den algun distrito, muhe ta forma 30 of 40% di tur candidato, mientras den otro, no tin candidato femenino.

Mientras tanto, e exclusion di e provincia di mayoría Druze Sweida y areanan controla door di Kurdo den e nort oost y tambe e falta di quota fiha pa minorianan a lanta pregunta tocante representacion di comunidatnan cu no ta parti di e mayoría nacional Arabe Sunni.

E asunto ta particularmente

sensitivo despues di brote di violencia sectario den e lunanan recién den cual centenares di ciudadano for di e minorianan Alawita y Druze a ser mata, hopi di nan door di luchador afilia cu gobi-erno.

Fewe a nota cu distrito electoral a ser diseña den tal manera pa crea distrito di mayoría-minoría.

“Loke e gobierno por a haci si e tabata kier pa limita e number di minorianan, nan por a uni e distritonan of e localidatnan ey cu distrito di mayoría Sunni Musulman,” el a bisa. “Nan por a basicamente ahoga e minorianan loke nan no a haci.”

Oficialnan tambe a señala e un tercero di parlamento directamente nombra door di al-Sharaa como un mecanismo pa “asegura mehoracion den e inclusividad di e cuerpo legislativo,” Haid a bisa. E idea ta cu si poco muhe of minorianan ta ser eligi pa e colegionan electoral, e presidente lo inclui un porcentahe mas halto den su escogencia.

E falta di representacion di Sweida y e nort oost ta keda problematico, Haid a bisa — hasta si al-Sharaa ta nombra legislador for di e areanan ey.

“E linea di fondo ta cu sin importa cuanto hende lo ser nombra for di e areanan ey, e disputa entre e autoridatnan de facto y Damascus sobre nan participacion den e proceso politico lo keda un asunto di importancia,” el a bisa.



Marina Israeli ta intercepta botonan purbando di kibra blokeo na Gaza y a detene activistanan

(AP)—Centenares agente policial Israeli a ser desplega diahuebs na e waf sur di Ashdod pa proceso casi 450 activista internacional deteni pa forsanan marino di Israel algun ora prome den e Lama Mediterraneo, segun autoridadnan Israeli a bisa.

E activistanan, incluyendo legisladornan Europeo, tabata tumando parti di un flotilla purbando di kibra Israel su blokeo di Gaza ora nan navenan a ser intercepta, causando condenacion amplio y causando protesta rond mundo.

E Global Sumud Flotilla tabata esun mas grandi pa purba kibra e blokeo, y ta bin den un tempo unda



ta mirando un aumento di critica tocante Israel su conducta den Gaza, unda su ofensiva a destrui gran parti di e teritorio y a mata dies

miles hende. Activistanan a bisa cu nan a spera cu e cantidad enorme di boto lo hacie dificil

mas cu 40 boto y casi 450 activista, tabata cargando un cantidad simbolico di ayudo humanitario pa Gaza. Su meta principal, nan a bisa, a keda pa “kibra e invasion ilegal di Israel y caba cu e genocidio andante contra e pueblo Palestino.”

E ministerio di Asunto Exterior di Israel a descarta esaki como un “provocacion,” bisando cu varios pais a ofrece pa entrega e ayudo cu e botonan tabata cargando. Israel tambe ta hayando critica pa con tiki ayudo e ta laga drenta den Gaza y con e ta distribuyendo ayudo. El a



pa autoridadnan Israeli intercepta nan tur—pero e ministerio di Asunto Exterior Israeli a declara e fin di e operacion diahuebs atardi.

Polis Israeli a comparti un video mustrando casi 600 agente trahando riba dia nacional di Yom Kippur, considera esun mas sagrado den e calendario Hudiu, pa registra e activistanan deteni prome cu nan deportacionnan. Protesta amplio Miles di hende apoyando e flotilla a subi caya den varios ciudad despues cu a tende di e noticia di e intercepcion pa condena e operacion Israeli y e ofensivo andante den e Franha di Gaza. Italia su sindicato mas grandi a haci yamado pa un welga general di un dia awe.

Mientras mayoria marcha tabata pacifico, algun bringamento a surgi entre polis y manifestantenan pro-Palestina na Paris y Barcelona, Spaña.

E flotilla, cual a cuminsa cu

nenga repetidamente cu e ta cometiendo genocidio.

Prome minister Israeli Benjamin Netanyahu a aplaudi e marina y soldadnan di e nacion pa stop e flotilla riba Yom Kippur, bisando den un declaracion cu “Nan accion importante a preveni decenas nave di drenta e zona di guera y a contraresta un campana di delegitimizacion contra Israel.”

Organisadornan di e flotilla a bisa cu al menos 41 di nan boto a ser intercepta den e operacion Israeli den oranan di anochi. Autoridadnan Israeli a bisa despues cu apenas un boto a keda “leu” y lo ser intercepta si e yega mas cerca.

E flotilla a comparti su biahe online via camaranan en bibo abordo riba diferente boto, aunke gran parti di e conexion a bay perdi mientras autoridadnan Israeli a cuminsa subi e botonan riba awa internacional diaranson anochi.

Resultado Sorteo
October 03

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
7631	7053	3158	5254
8717	7687	SUPER5	1410
3523	8025	-	4324

MERDIA

Sorteo # 4760

6108

8191

3136

X5

Sorteo # 4760

4520

FP

Sorteo # 2816

2530

Sorteo # 4760

6637

Acuario

Sorteo # 1634

118

X2

Sorteo # 8664

8763

6887

4109

X2

Sorteo # 7708

0320

X2

Sorteo # 2413

4303

Sorteo # 6467

0216

Leo

Sorteo # 1397

997

X2

Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

140.000,-

Sorteo # 6986

0 x Jackpot

7 x Match 4

140 x Afl. 8,00

Proximo Jackpot

54.000,-

Sorteo #

0 x Jackpot

0 x match 4

0 x Afl. 500,00

0 x Afl. 50,00

0 x Afl. 15,00

Mega Ball

Proximo Jackpot

300.000,-

Afl. 400.000,-

Sorteo #

E flotilla, cual a cuminsa cu



Cas Di Cultura
Vondellaan 2 Aruba
297-582-1010
F A D A
Campanastraat 5 Aruba
297-583-2999
297-583-9610
F A V I
Primavera 233 Aruba
297-582-5051
297-582-5222
F E P O
Engelandstraat 15 Aruba
297-583-1016
297-583-6607
Fundacion Contra Violencia Relacional
Tel: 583-5400
Fundacion Autismo Aruba
Irenestraat 21 Aruba
297-588-1179
Fundacion Pa Nos Muchanan
Cumana 2 Aruba
297-583-4247
Fundacion Tel Pa Hubentud
Wilhelminastraat 19 Aruba
297-588-6138
Koningin Wilhelmina Fonds
Spinozastraat 9 Aruba
297-582-0412
Mary Joan Foundation
Sabana Blanco 8 Aruba
297-588-9999
Rode Kruis Aruba
Pedro Gallegostraat 14
Tel: 297-582-2219
Fax 588-3376
Famia Planea (SBVO)
Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com
Stichting Fundacion Guia Mi
George Madurostraat 34
297-582-0088
Y M C A
Calbasstraat 1 Aruba
297-582-3072
AL-ANON group
Sabana Liber #8, Noord
(close to the hotels)
Tel: 736-2952 or
593-7081

Dokter na warda
Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda
Oranjestad: **San Nicolas:**
Eagle : Centro Medico:
Tel. 587 9011 Tel. 584 5794
EMERGENCIA **911**
POLIS
Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA
Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD
Setar **117**
Web **525-4600**
Elmar **523-7147**

FUNERARIA
Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi
Aruba Transfer Tour & Taxi C.A.
Tel: 582 2116 / 582 2010
Taxi Adres Services (24h)
Tel. 587 5900
A1 Taxi Services Aruba
Tel: 587-8850
Tel: 280-2828
Whatsapp: 592-7024

Mayornan di estudiante cu a fayece den accidente cu Tesla ta bisa

Fayo den diseño ta causa di a keda pega mientras e vehiculo tabata na candela



(AP) - E mayornan di un estudiante cu a fayece den un accidente cu Tesla a bisa cu el a fayece den e candela y huma mientras e tabata purba pero fracasa di scapa for di e vehiculo a causa di un fayó den e diseño, cual ta haci difícil pa habri e portanan den caso di candela, un demanda entrega diahuebs a detaya.

E mayornan di Krysta Tsukahara a acusa cu e compania cu a yuda Elon Musk bira e homber mas rico na mundo tabata sa di e fayó aki pa varios aña y por a tuma accion lihe pa drecha e problema pero no a haci esaki, causando cu e hoben di 19 aña studiando arte a fayece di un manera horrible - kima den e candela y sofoca cu e huma.

Tesla no a contesta inmediatamente na peticion pa comentario.

E menasa legal nobo aki na Tesla entrega na Alameda County Superior Court ta bini net simannan despues cu reguladornan federal a habri un investigacion tocante kehonan di chauffeurnan di Tesla cu e portanan ta keda pega. E investigacion y demanda ta bini na un tempo delicada pa e compania mientras e ta purbando di convence Mericanonan cu pronto su vehiculo lo ta suficientemente safe pa no tin ningun hende den e

asiento di chauffeur.

Tsukahara tabata patras di un Cybertruck ora e chauffeur cu tabata bao influencia di alcohol y droga a dal contra un mata na San Francisco, segun e demanda. 3 di e 4 persona den e vehiculo, incluyendo

e chauffeur, a fayece. Un di 4 a ser saca for di e vehiculo despues cu rescatasta a kibra bentana pa sak'e.

E demanda a keda reporta prome pa The New York Times.

Pronostico di tempo

Tempo:
Awe tardi y awe nochi: parcialmente nubia y generalmente seco.
Den marduga y mañan: parcialmente te temporalmente hopi nubia cu chance pa un awasero local

Temperatura maximo 33 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 34 pa 40 grado Celsius
Uv index: 12

Bahada di solo : 6:29pm
Subida di solo : 6:29am

Biento:
Modera for di direccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo).
Den dia basta fuerte den rafaga; forsa 5 (31 te 39km/hr, 17 te 21 nudo)

Situacion general di tempo:
E atmosfera regional ta relativamente seco. Sinembargo, un aumento



temporal di humedad por produci un awasero local den oranan di marduga y mainta trempan.

Condicionnan maritimo/estado di lama:
Na partinan proteje di costa: keto, rond di 1 pia.
Na partinan zuid: trankil te modera cu olanan di 1 pa 2 pia.
Na partinan oost te noordwest di costa: trankil te modera cu olanan alrededor di 3 pa 4 pia.

Durante e fin di siman venidero labaderanan modera for di noord-noordoost lo dreña awanan regional y por haci e costa noord relativamente bruto.



Salmo 131
*“Serca Dios mi ta na paz
 manera un yiu serca su mama.”*

Cu dolor na nos curason pero conforme cu boluntad di
 Dios nos ta anuncia fayecimento di nos ser stima:



Aniceto Ricardo Deluvia
 mihor conoci como “Dian”
***03-04-1932-†28-09-2025**

Su mayornan den feliz memoria:
 Jacinto y Maria Margaritha Deluvia-Croes

Na number di su:
Esposa: Mamerta “Metty” Deluvia- Angela

Yiunan:
 Tirso y Omayra Deluvia-Geerman y yiunan
 Richard “Cay” y Estevania Deluvia-Quandt y famia
 Harold “Jochi” Deluvia y famia
 †Siria y Pedrito Dirks-Deluvia y famia
 Rolando “Chai” y Lumena Deluvia-Thodé y famia
 Ludwina Werleman y Mathurin Semeleer y famia
 Francisco “Adri” y Evelina Werleman-Loopstok y famia
 Haime “Macay” y Ina Werleman-Croes y famia
 Asintho “Chin” y Yamileth Werleman- Andrade y famia
 Tineke y Anthony Jansen-Werleman y famia

Nietonan y nan respectivo famia: Ilen, Nerissa,
 Rosanne, Micheline, Jimmy, Genard, Renard,
 Ruthmila, Sheila, †Jeanine, Rayon, Quansia, Luandho,
 Lisette, Kendrick, Aldrick, Joanne, Milton, Hildward,
 Arthur, Chayenne, Jennifer, Jerianna, Richinel, Annelly
 y Cindy,
bisanietonan y tataranietonan

Rumannan:
 †Paulina y †Juan Henriquez-Croes y famia
 †Dora y †Pablo Werleman-Croes y famia
 †Violeta “Leca” Petrochi-Deluvia y famia
 Mario “Mamay” Deluvia
 †Medardo “Mechi” Deluvia y famia
 †Jose Maria “Jo” Deluvia

Swa y cuñanan:
 Pedro Angela y famia
 Maria Angela y famia
 Ludwina Angela- Hernandez

Manera yiu: Emiliano Tromp
Consuegra: Atanasia Geerman-Geerman
**Subrinonan, primonan, bisiañanan y bon
 amigonan.**

Demas famia: Deluvia, Croes, Angela, Werleman,
 Dirks, Jansen, Henriquez, Boekhoudt, Ridderstap,
 Arends, Erasmus, Thijzen, Geerman, Petrochi,
 Maduro, Percira, Inocencia, Coffy, Dania, Tromp,
 Quant, Dabian, Flanejin y Agumbero.

Ta invita pa e acto di entierro cual lo tuma lugar
 diabierna 3 di october 2025 di 1:00-4:00 p.m. na **Olive
 Tree Funeral Care & Crematory na Piedra Plat
 27Z.**
 Despues lo sali pa santana catolico Pastoor Kranwinkel
 na Paradera.

Nos disculpa si den nos tristesa nos a lubida di
 menciona algun nomber..

Nos ta lamenta cu despues di entierro nos no por ricibi
 bishita di condolencia na cas.



*“Cerca Dios no tin
 sufrimento, ni dolor, ni tristeza.
 cu Dios encontra mi cu
 su mannan habri y yen di splendor”.*

Nos ta anuncia fayecimento di mi casa, nos tata,
 welo, bisawelo stima



Angel Stanislao Flanegien
 Mihor conoci como: “Anglon”
***06-05-1940 - †29-09-2025**

Na number di su:

Esposa: Aurora “Joya” Flanegien-Figaroa

Yiunan stima:
 Ludwina “Ina” y David Krozendijk-Flanegien
 Violeta “Deta” y Ruben Ras-Flanegien
 Edmundo “Eddy” y Belva “Dhaddy” Flanegien-
 Heyden
 Hubert “Hub” y Maroushka Flanegien-Henriquez

Nieto(a)nan stima:
 Beverly Angela, Ghislady y Erich Genser-Angela,
 David “Pietje” Krozendijk, Kimberly Flanegien y
 Andre Angela, Kyon Flanegien, Genrick Flanegien y
 Thami Figaroa, Jonrick Flanegien

Bisanieto(a)nan stima:
 Isabella Jaramillo, Holly-J Genser, Jacob Genser,
 Chandré Angela

Mayornan stima:
 †Johannes “Johan” y †Anna Flanegien-Tromp

Rumannan stima:
 Carmen Flanegien y famia
 Dominico “Nico” y Francisca Flanegien-Figaroa y
 famia
 †Philomena y Andres Figaroa-Flanegien y famia
 Maximo y Anna Flanegien y famia
 Martinus “Tinchi” y Elvira Flanegien-Figaroa y
 famia
 Maria Theresita “Sita” Flanegien
 Jacoba y Juan Gomez-Flanegien y famia

Sobrino y sobrinanan, primo y primanan, comer y
 compernan, ihanan, ex-coleganan di Bohama Aruba
 NV

Famia y bisiañanan:
 Flanegien, Figaroa, Kamp, Winklaar, Tromp,
 Christiaans, Ras, Heyden, Krozendijk, Genser,
 Henriquez, Kelly, Gomez, Bremono, Gei, Eckmeyer

Ta invita pa asisti na e acto di entierro cu lo tuma
 lugar diabierna 3 di october 2025 na misa Santa Anna
 na Noord di 9:30 pa 11:00 am y despues pa Santana
 Catolico na Noord.

Nos ta pidi dispensa si den nos tristesa nos por a
 lubida algun famia of conocir.

Nos ta lamenta cu despues di entierro nos no ta ricibi
 bishita di condolencia na cas.



*Salmo 23: 1 – 2
 Señor ta mi wardador
 Mi no tin falta di nada
 Den kunuku di jerba berde
 E ta pone mi sosega
 E ta hibami na awa tranquil*

Cu hopi tristesa pero agradecido pa e amor cu
 ela duna nos, ta anuncia fayecimento di nos
 tata, welo y bisawelo:



Emeraldo Nicolaas Werleman
 (mihor conoci como: Emc, Pajachí, Papa y Papagrandi)
Naci: 10 september 1941 - Fayece: 27 september 2025

Na number di su:
Esposa stima † Apolonia Sabina Werleman - Gomes
Mayornan † Juan y † Regina Werleman - Danje

Yiunan Stima
 Matheo (Theo) y Maritza
 † Regina (Gina) y Silvio
 Paulus (Frido) y Ninoska
 Hubert (Iby) y Mary
 Esmeralda (Susan)
Mescos cu un jiu: Adriana Croes

Nietonan Stima:
 Desiree y Aldric
 Ariane y pareha
 Suchail y pareha
 Calvin y Tychessa
 Anthony y Vanessa
 Julisa y pareha
 Julaika y Andrew
 Niurka
 Axel y Chrislaine
 Sharon y Carlos
 Stephany y Edward

Bisanietonan stima:
 Daisyrell, Zjandre, Ariana, Léandro, Sueleen, Jayvin, Jaxton, Engelly,
 Merry-Lay, Merry-Gin, Witzel, Niurick, Inonie, C-jay, Ariëla y Adriel

Na tur su Ihanan.

Rumannan:
 † Crescencia y † Celedonio Bello – Werleman y famia
 † Placida y † Beto Kock – Werleman y famia
 † Carlito y † Sofia Werleman – Russell y famia
 † Maxima y † Bernard Kelly – Werleman y famia
 † Enrique y † Lucilla Werleman – Solognier y famia
 † Jacinto Werleman y Famia
 † Pablo y Candida Werleman – Vrolijk y famia
 † Esteban Werleman y Famia
 † Bruno y † Pina Werleman – Winterdaal y famia
 † Juan y † Eulalia Werleman – Geerman y famia
 † Raymundo Werleman
 Jacobo y † Sarita Werleman – Petrocchi y famia
 Regina y Daniel Feliz Erasmus y famia

Swa y Cuñanan:
 † Fidelia Gomes
 Maria Lopez – Gomes y famia
 † Juan Gomes y famia
 Seferino Gomes y famia
 † Constanca Arends – Gomes y famia
 Ambrosio Gomes y famia
 † Patricio Gomes y famia
 Francisca Wernet – Gomes y famia
 Justina Gomes y famia
 Carla Rafiné – Gomes y famia
 Sylvio Gomes y famia

Tantanen y Omonan, Subrino y Subrinanan. Primo y Primanan, demas
 famia, amigonan y conocirnan
 Su bon bisiañanan di semper famia Marin, Geerman Gomes y Dirks
 Su ex coleganan di Warda di Polis Oranjestad, Tur hungador y miebronan di
 su Team Stima: Independiente Caravel. Tur su bon amigo nan di semper

Demas famianan: Werleman, Danje Gomes, Croes, Peña, Underwood,
 Reyes, Marin, Dania, Henriquez, Christiaans, Pannefle, Melo, Trenidad,
 Coffie, Fister, Jimenez, Thodé, Sánchez, Bello, Kock, Russell, Kelly,
 Solognier, Vrolijk, Winterdaal, Geerman, Petrocchi, Feliz, Erasmus, Berry,
 Lopez, Arends, Wernet, Rafiné, Maduro, Gonzalez, Schwengle, Everon,
 Daal, Henwood, Ridderstap, Koolman, Lue, Tromp, Ras, Wester, Willems
 y Thiel.

Gradicimento:
 Na † Lucila Maduro pa e tempo cu a dedica na nos tata.
 Na Fundashon Paraiso cu nan pasenshi y atencion pa nos tata.
 Na su Huisdokter Dr. Anthony.
 Dr Becker di HoH. Y tambe Pastor Jan Gospodarczyk
 Un gradicimento special pa e Team di Tower B Piso 4 pa nan tremendo
 cooperacion y atencion durante cu Papa ta na Hospital

Demas famianan na Hulanda, Curacao, Bonaire, Venezuela, USA y Puerto
 Rico
 Nos ta pidi disculpa si den nos dolor, nos por a lubida algun famia.

Ta invita pa acto di condolencia cual lo tuma lugar diabierna 3 oktober
 2025 di 07:00 pa 09:00 PM na Aurora Funeral Home.

Ta invita pa acto di entierro cual lo tuma lugar diasabra 4 di oktober 2025
 na Misa Imaculada Concepcion na Santa Cruz di 02:00 pa 04:00 di atardi
 despues ta Sali pa Santana Catolico Santa Maria na Santa Cruz

Ta duel nos cu despues di entierro no ta ricibi bishita di condolencia.

Aurora

Royal Pray

Funeral Home & Crematory



Hesus a bisa:
"Ami ta resurreccion y e bida; esun cu kere den
Mi lo biba, maske e muri. Y tur esnan cu ta
biba y ta kere den Mi lo no muri nunca mas. Bo
ta kere esaki?"
Juan 11: 25-26

Cu profundo agradecimento, amor y respet, nos ta honra e bida di
nos mama, wela, bisawela, tatarawela y ruman. Un hende muhe
fuerte kende a sa di persevera den bida, y cu awo ta disfruta den e
presencia di nos Señor. Nos ta anuncia e transformacion di morto pa
bida eterno di

Sra. Martilia Loopstok
Cariñosamente yama Tila, Mami, Oma
*23-06-1936 - †26-09-2025

Acto di entierro lo wordo anuncia despues.

Aurora

Royal Pray

Funeral Home & Crematory



Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Conforme cu Boluntad di Dios y tur locual e la nifica pa nos, Nos ta
anuncia fayecimento di


Ruben Irving Kock
*04-06-1944 - †27-09-2025

Acto di entierro lo wordo anuncia despues.

Aurora

Royal Pray

Funeral Home & Crematory



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa tranquil, pa mi bolbe haña
forsa". Salmo: 23

Cu dolor na nos curason, nos ta anuncia
fayecimento di:

Sixto Dirksen
*06-08-1951 - †18-09-2025

Acto di entierro lo wordo anuncia despues.

Aurora

Royal Pray

Funeral Home & Crematory



Señor ta mi wardador, mi'n
tin falta di nada;
Den cunucu di yerba berde e
ta pone mi sosega.
E ta hiba mi na awa
tranquil,
Pa mi bolbe haña forza.
Psalmo 23.1

Cu inmenso tristeza na nos
curazon pero agradecido
na señor nos Dios pa tur
locual e
La significa pa nos, nos ta
participa fallecimiento nos tata, abuela, bisabuela, y ser
stima:

Irving Francisco Arends
mihor conoci como: "Francis"
*30 october 1952 - †28 september 2025

Na number di su:

Mayornan: †Sixto (Tieuw) y †Dolores Arends-
Paula

Su casa stima: Yolanda Maduro

Yiunan:

Raymond Arends y Fam. na hulanda
Vda. Edith Dekker-Arends y Fam. na hulanda
†Jarzinho Arends
Jofrani Arends y Diana
Eduardo y Wendy Avila y Fam. na hulanda

Nietonan: Jennyree, Flor, Strea, Roma, Nina,
Jahlyssa, Kingston, Aaliyah, Riley, Jasper

Rumannan:

Jerry y Ada Arends y Fam.
Errol Arends y Margo
†Franklin Arends
Roy y Roxana Arends y Fam.

Tanta y Omonan:

†Johana Citroën-Paula
†Maria (Choria) Paula
†Norma y †Luis Erasmus – Paula y Famia.
†Sonja Stuit-Paula
†Boechi y Lourdes Paula y Famia
Edwina Paula
†Maximo Arends y †Maria Henricus
†Lucila Maria y Pedrito v/d Linden-Arends
†Felepita Eugenia y †Antonio Larez-Arends
†Maria y †Charlie Roos-Arends
†Francisco Segundo Arends y †Helena Winterdaal
†Mathias Noguera y †Pea Gomes

Primo y primanan, sobrino-sobrina y ihanan, suegra,
swa- y cuñanan.

Amigonan y amistadnan na Aruba y Hulanda, ex-
Coleganan di taxi y bisinanan.

Demas famia: Arends, Paula, Maduro, Erasmus,
Tromp, v/d Linden, Henricus, Vrolijk, Schwengle,
Brete, Koolman, Croes, Hoek, Kock, De Cuba,
Winterdaal, Noguera, Arendsz, Roos, Giel, Daal,
Martis, Thijsen, Martines, Ollivierre, Geerman,
Figaroa, Michel, DiosUribe, Camara, Kramers,
Trimon, Dirksz, Noguera, v/der Blick, van
Ommeren, Holden.

Un gradicimento na: huisdokter Dr.Martis y
cardiologo Dr. Casper Lacle.

Acto di entierro lo tuma lugar na misa Sagrado
Curason di Hesus dialuna 6 October 2025,
di 2or te 4or di atardi, despues saliendo pa Santana
Catolico na Savaneta.

Deseo di Francis ta pa tur bisti colornan alegre,
manera licht blauw (su color favorito).

Nos disculpa si den nos tristeza nos por a lubida un
of mas famia.

Nos ta lamenta cu despues di entierro no ta ricibi
bishita di condolencia na cas.

Aurora

Royal Pray

Funeral Home & Crematory



"Dios ta amor y amor ta
Dios, maske mi no ta na e
mundo aki, tur dia lo mi ta
banda di boso curason, mi
por stens di loke Señor ta
hasi" Salmo 33

Cu inmenso dolor y tristesa
den nos curason pero
agradecido pa tur locual el a
haci y significa pa nos, nos
ta anuncia cu a bay drumi pa
semper den brasa di Señor:
mi casa, nos mama, wela, bisawela, ruman, tanta y suegra
stima.
Un hende muhe fuerte cu a perservera den bida y cu awo ta
disfruta e presencia di nos Señor

Sra. Anna Maria Briesen – Geerman
Miho conoci como: Dudu, Anna, Snack, Nachi y Nana
Naci: 9 di september 1938 - Fayece: 1 di oktober 2025

Na number di su :

Casa: Eulauterio (Tèchi) Briesen

Mayornan: †Ignacio y †Luisa Geerman – Werleman

Yiunan:

† Martin Briesen
Buchi Briesen y Gina Werleman
Maria (Eta) y Johnny Croes – Briesen
Rudolfo (Quito) y Maricella Briesen – Kock
Lidia (Lia) y Genario (Tico) Kelly – Briesen
Leo y Zwaika Briesen – Winterdaal
Omiria y Milko Lo-Asioe – Briesen

Nieto (a) nan:

Lixienne Briesen y Bruce Henriquez
Shalexty Briesen y Romiën Dijkhoff
Ixlaïne Briesen y Stever Rodriguez
Daisy y Aldrick Winterdaal - Croes
Jorella Croes y Ashline Dijkhoff
Ederick Croes y Margarita Ruiz
Marcel y Axandra Briesen – Castillo
Marwin Briesen
Géllanne Kelly y Reugene Kock
Gilton Kelly y Mirriene Fingal
Lyonell Briesen y Keighley Loopstok
Leomar Briesen
Cleavon Lo-Asioe na Hulanda
Delsin Lo-Asioe

Mescos cu nieta: Marilain Yarzagaray

Bisanieta (a) nan:

Xzayvienne Henriquez
Sherriene y Erylienne Maduro
Xay-vion y Xay-rion Rodriguez
Makeylah y Mikaylah Winterdaal
Edelmar, Edelliane Croes y Zayrick Wever
Keeley – Ann Henriquez, Nayoki, Aaliyah y Ocean
Briesen, Brayden Briesen

Rumannan:

Graciela (Chia) Geerman
† Anastacio y Lucrecia (Geta) Geerman
† Regenita y †Marco Kelly - Geerman
Juliana (Juju) Geerman
† Nicolaas (Cochi) Geerman
Bernardo (Benny) Geerman
Cyril (Ciro) Geerman
† Elisabeth Geerman

Subrina nan y Subrino:

Lucrecia Kelly y Haime Wiersma y famia
Esther y Javier Ramirez – Kelly y famia
Robert Kelly y famia
Susan Kelly y Edgardo Magliocchi y famia
Sheritza Geerman y famia

Iha: Robert Kelly

Ex-yerno: Exina Kock

Swa y Cuña: Flora Rasmijn - Briesen y famia, †Girigorio Briesen

Tur su primo y primanan, Comer y Comper, su bon bisinanan.

Primanan cerca: Lena Geerman y famia, Sandra y Edgard Rasmijn,
Meredith y Dayron Wouters y famia, †Lica y †Mario Geerman y
yiunan.

Bisñanan stima cerca na cas: Anastacia (Nanachi) Geerman
y famia, Hubert Geerman y famia, †Pina Geerman y famia, Poli
Geerman.

Consuegra: Irma Vrolijk y Mariela Ras.


Su ayudante cu a stim'e manera mama: Maricella (Ellah)
Arendsz

Ayudante: Ingrid Mansell-Peña

Sin lubida un danki na su dokter di cas P. Wieringa y un danki special
na Flory Kock.

Demas famia: Geerman, Briesen, Werleman, Croes, Kock, Kelly,
Winterdaal, Lo-Asioe, Henriquez, Dijkhoff, Rodriguez, Ruiz,
Castillo, Fingal, Loopstok, Maduro, Wever, Ramirez, Rasmijn,
Wouters, Leon, Quant, Thiel, Wiersma, Magliocchi y Peñañiel.

Acto di entierro lo tuma lugar diasabra 4 di oktober 2025 pa 11or di
mainta saliendo for di Misa Inmaculada Concepcion na Santa Cruz
pa santana Catolico "Pastor de Vries" na Santa Cruz. E resto mortal
lo ta reposa for di 9or di mainta na Misa Inmaculada Concepcion na
Santa Cruz
Nos kier a pidi nos disculpa si den nos tristesa nos por a lubida un of
otro famia of conoci
Ta lamenta cu despues di entierro nos no por ricibi bishita di
condolencia na cas



Stichting voor Volkshygiëne
Wit Gele Kruis Aruba

Na number di directiva y personal di Wit Gele Kruis
Aruba, nos ta anuncia fayecimento di:

Angel Stanislao Flanegien

Tata di nos colega Sra. Ludwina Krozendijk-Flanegien.

Pa medio di esaki nos ta extende nos mas sincero
condolencia na Ludwina y famia.

Y cu nos bon Dios duna boso forza pa pasa e dianan
difícil nan aki .

Nos pensamiento ta cu boso tur.

Gobierno Mericano a shut down. Kico awo?

(AP) — Washington ta preparando pa loke por bida un shutdown federal prolonga despues cu legisladornan a haya nan mes den un impasse y a faya e deadlina pa financia gobi-erno.

Republicanonan a sostene un medida a termino corto pa financia gobi-erno generalmente na nivelnan actual te cu dia 21 di november, pero e Democratanan a blokea esaki, insistiendo pa e medida atende nan preocupacion tocante cuidu di salud. Nan kier reverti e corte den Medicaid den e pakete di exencion di impuesto y reduccion di gasto di presidente Donald Trump for di berano, y nan kier pa extende credito di impuesto cu ta haci premium di seguro di salud mas pagable pa miyones di hende cu ta cumpra mediante e mercadonan estableci pa e Ley di Cuido Pagable.

Republicanonan a yama e propuesta Demócrata un ‘nonstarter’ cu lo costa pagadornan di impuesto mas di \$1 triyon. Ningun banda kier baha cabes.

Aki loke mester sa di e shutdown cu a cuminsa diaranson.

Kico ta pasa durante e shutdown? Awo cu tin un paro den financiamiento, ley ta rekeri agen-


cianan pa suspende nan empleadonan “nonexcepted”, es decir, cu no ta cay bao excepcion. Esnan cu si ta cay den excepcion, incluyendo esnan cu nan trabao ta protege bida y propiedad, ta keda na trabao pero no ta haya pago te despues cu e shutdown caba.

Oficina di Management y Presupuesto di Cas Blanco ta cuminsa e proceso cu instruccion na agencianan cu tabatin un lapso den apropiacion y cu nan mester cuminsa actividadnan ordena di shutdown. E memo ey a sali diamars anochi.

Oficina di Presupuesto Congressional ta calcula cu alrededor di 750mil empleado federal por keda sin trabao cada dia di e shutdown, cu e costo total diario di nan compensacion alrededor di \$400 miyon. Un bon deal, realmente.

Investigadornan di FBI, agente di CIA, controlador di trafico aereo y agentenan operando checkpoint di aeropuerto ta sigui traha, igual cu miembronan di forsan arma.

E programanan cu ta depende riba gasto obligatorio generalmente ta continua durante un shutdown. Pago di Seguro Social ta sali. Esnan cu ta depende riba cobertura di Medicaid ainda por bay dokter y haya nan placa back. Cuido di salud pa veterano ta con-



tinua durante un shutdown. Centronan medico di Asunto di Veterano y clinica ta bay ta habri, y ta bay procesa y duna asistencia social. Entiero ta continua na santana nacional pa veterano.

E trahadornan suspendi ta haya pago? Si. Na 2019, Congreso a pasa un ley cu e rekisito pa trahadornan suspendi haya pago retroactivo ora e operacion reanuda.

Mientras cu nan lo haya pago eventualmente, e trahadornan suspendi y esnan cu ta keda na trabao lo mester keda sin un pago regular di salario, dependiendo con largo e shutdown dura.

Kico ta cera durante shutdown?

Tur administracion ta haya espacio pa scoge ki servicio pa freeze of mantene durante un shutdown.

E prome administracion di Trump a traha pa suavisa e impacto di loke a bira e shutdown parcial mas largo di e pais na 2018 y 2019. Pero diamars, Trump a menasa cu e posibilidad di aumenta e dolor cu ta bin cu un shutdown. “Nos por haci cosnan durante e shutdown cu ta irreversible, cu ta malo pa nan y cu nan no por reverti,” Trump a bisa di e Democratanan. “Manera corta cantidad di hende, corta cosnan cu nan gusta, corta programanan cu nan gusta.”

Cada agencia federal ta desaroja su propio plan di shutdown. Nan plan ta delinea cua trahador lo keda na trabao durante shutdown y cual ta suspendi.

Oficina di presupuesto di Trump a menasa di duna retiro masivo na trahadornan federal den un shutdown. Un memo di oficina a bisa cu e programanan cu no haya financiamiento mediante e ley di Trump e berano aki lo carga e peso di un shutdown.

Agencianan mester considera emiti aviso di ‘reduccion den capacidad’ pa e programanan cu nan financiamiento ta caduca, cu no tin fuente alternativo di financiamiento, y cu “no ta consistente cu e prioridadnan di e presidente,” segun e memo.

Esey lo ta un stap hopi mas agresivo cu shutdown anterior, tempo cu trahadornan federal ta bolbe trabao despues cu e shutdown caba. Un reduccion den forsa laboral no solamente lo duna retiro na empleado, sino tambe elimina nan posicion, cu lo impulsa otro reforma masivo den un forsa laboral federal cu ya a enfrenta rondanan mayor di recorte pa motibo di esfuersonan di Departamento di Eficiencia di Gobi-erno (DOGE) y otronan den administracion Republicano di Trump.

Homber a mata 2 persona den atake na Sinagogo Ingles riba dia sagrado Hudi

(AP) — Un asesino a trapa hende cu su auto pafo di un sinagogo diahuebs den nort di Inglatera, y despues a cuminsa hinca nan, matando dos y lagando cuatro seriamente herida, den loke polis a yama un atake terrorista riba e dia mas sagrado di aña Hudi.

Agentenan a tira mata e sospechoso pafo di Manchester, polis a bisa, maske autoridadnan a tuma tempo pa confirma cu e tabata morto pasobra e tabatin un vest bisti cu tabata muestra manera e tabatin explosivo. Polis despues a bisa cu e no tabatin un bom.

Polis Metropolitano na Londres, cu ta dirigi e operacion contra-terrorismo na e nacion, a declara e asenatonan un atake terrorista. Comisionado Assitent, Laurence Taylor a



bisa cu a aresta dos sospechoso, pero e no ta duna mas in-

formacion. El a bisa cu polis ta kere cu nan sa e identidad

di e homber cu a haci e atake pero no a confirm’e.

E atake a tuma lugar mientras hende tabata reuni pafo di un sinagogo ortodox den un bario suburbano di Manchester riba Yom Kippur, dia di expiacion y e dia mas solemne riba kalender Hudi. Polis a bisa cu e dos persona asesina tabata Hudi.

Incidente anti-Semita na Reino Uni a alcanza nivelnan record despues di e atake di Hamas dia 7 di october 2023 contra Israel, y e campaña Israeli na Gaza, segun Community Security Trust, un grupo defensor pa Hudi Britanico cu ta traha pa elimina anti-Semitismo.

A reporta mas cu 1.500 incidente den prome mita di aña, e di dos cifra mas halto den seis luna reporta desde cu a pone e record durante e mesun periodo un aña prome.

#IYKYK IF YOU KNOW
YOU KNOW!

THE BIGGEST SALE EVENT OF THE YEAR

4 DAYS ONLY | OCT 1 - 4, 2025

GET UP TO

70% OFF

SELECT ITEMS

SAVE
AWG. 1750



SHAYBROCK
7PC DINING SET

NOW AWG. **3419**
WAS AWG. 5169

SAVE
AWG. 1500



ROANHOWE 7PC DINING SET
NOW AWG. **3409** WAS AWG. 4909

SAVE
AWG. 1999



**WESTCONI 7PC
DINING SET**
NOW
AWG. **2700**
WAS AWG. 4699

SAVE
AWG. 1710



**FAWNBURG 7PC
DINING SET**
NOW
AWG. **2399**
WAS AWG. 4109

SAVE
AWG. 1999



**ROWANBECK 7PC
DINING SET**
NOW
AWG. **4100**
WAS AWG. 6099

SAVE
AWG. 801



**ROKANE 7PC
DINING SET**
NOW
AWG. **1199**
WAS AWG. 2000

**Love it? We'll help
you finance it**

**25% OFF YOUR INTEREST
RATE ON ALL PLANS**

PLUS FREE DELIVERY
FOR CREDIT CUSTOMERS
LIMITED TIME. SHOP NOW.

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD

Telephone:
521-1180



Offers valid
October 1-4, 2025.
Special conditions apply.

Ashley
FURNITURE HOMESTORE